



1918-yil  
21-iyundan chiqqan  
boshlagan

№10, 2022-yil 8-mart,  
seshanba (32.704)

# O'zbekiston OVOZI

Ijtimoiy-siyosiy gazeta

*Barchaga g'amxo'rlik – davlatning burchi*

## АЁЛ ҚАДРИ УЛУҒЛАНГАН ЮРТДА ТИНЧЛИК ВА ФАРОВОНЛИК БАРҚАРОР БЎЛАДИ



### МЕҲР-ОҚИБАТ ВА САДОҚАТ ТИМСОЛИ, ХОНАДОНЛАРИМИЗ ФАРИШТАСИ

Аёлларга ҳурмат ва эҳтиром кўрсатиш, уларга гамхўрлик қилиш миллий қадриятларимизнинг ажралмас қисми саналади. Улар бежиз ёшариш ва янгиликларни фахри – баҳорга қиёсланмайди. Мамлакатимизда лобар, иродали, ишбилармон, истеъдодли хотин-қизлар доимо эътибор этилиб, эъзозланади.

Давоми 2-бетда. ▶

## ЎЗБЕКИСТОН РЕСПУБЛИКАСИ ПРЕЗИДЕНТИ ШАВКАТ МИРЗИЁЕВНИНГ ХАЛҚАРО ХОТИН-ҚИЗЛАР КУНИГА БАҒИШЛАНГАН ТАНТАНАЛИ МАРОСИМДАГИ НУТҚИ

Ассалому алайкум, азиз ва мўътабар она-хонлар!

Муниси опа-сингиллар!  
Дилбар қизларим!

Шукуҳи ва қувончи тамоман ўзгача бўлган бугунги тантанамизда иштирок этаётган сиз, нафосат олами вакиллари, бутун мамлакатимиз аёлларини Халқаро хотин-қизлар куни билан самимий табриклайман. Барчангизга чуқур ҳурмат-эҳтиромимни ва энг эзгу тилакларимни билдираман.

Аввало, оилангиз ва яқинларингиз бахтига, қолаверса, аёл қадрини эъзозлаб яшайдиган эл-юртимиз бахтига соғ-омон бўлишингизни, доимо мана шундай гўзал баҳорий кайфиятда юришингизни тилайман.

Муҳтарам юртдошлар!

Халқимиз азал-азалдан Она сиймосини, Аёл зотини Яратганнинг улугъ неъматини, тенгсиз мўъжизасини, деб билади, уни ҳаммаша ардоқлаб-асраб яшайди. Юртимиз заминидagi "Бибихоним", "Қизбиби", "Модарихон", "Қирққиз" мажмуаси каби табаррук мезморий обидалар ҳам ана шундай азалий юксак эътибордан далолат беради.

Айни пайтда биз инсоният тараққиётига унутилмас ва беқиёс ҳисса қўшган буюк аждоқларимизни дунёга келтириб, меҳр билан тарбиялаган, уларни улугъвор ишларга руҳлантириб, камарбаста бўлган фозила аёлларимиз билан албатта фахрланамиз.

Маълумки, ҳар қандай жамият ва давлатнинг қай даражада халқпарвар ҳамда адолатли экани унинг хотин-қизларга бўлган муносабати ва гамхўрлиги билан белгиланади.

Халқимизни рози қилишдек олий мақсадга эришиш учун хотин-қизларнинг қонуний ҳуқуқ ва манфаатларини таъминлаш, уларнинг иқтисодий, ижтимоий ва сиёсий фаоллигини

ошириш Янги Ўзбекистон тараққиёт стратегиясининг муҳим йўналишларидан бирига айланди. Шу ўринда эътиборингизни айрим мисолларга қаратмоқчиман.

"**Ҳеч ким меҳр ва эътибордан четда қолмайди**" деган эзгу тамойил асосида, 2021 йилда 900 мингга яқин хотин-қизларга ижтимоий-иқтисодий, тиббий, ҳуқуқий ва психологик ёрдамлар кўрсатилди. Бу мақсадлар учун бюджетдан 2 триллион сўм маблағ йўналтирилди. Хусусан, 18 мингга аёлларга уй-жой харид қилиш учун 400 миллиард сўм имтиёзли кредитлар ажратилди. Боқувчисини йўқотган аёлларнинг фарзандлари учун боғча харажатларини бюджетдан қоплаш тартиби жорий этилди.

Яна бир муҳим рақамга эътибор беринг. Фақатгина 2021 йилнинг ўзида хотин-қизлар тадбиркорлигини қўллаб-қувватлаш мақсадида 2 триллион сўмдан зиёд кредит ва субсидиялар ажратилди. Натижада 320 мингдан ортиқ опа-сингилларимиз доимий иш ва даромадга эга бўлдилар.

Мамлакатимизда жамиятнинг асосий бўғини ҳисобланган маҳалла ва оила институтларини мустаҳкамлаш бўйича ҳам эътиборга молик ишлар олиб борилмоқда.

Шунингдек, 2021 йилда эҳтиёжманд оилаларга мансуб 2 мингдан зиёд қизлар олийгоҳларга давлат гранти асосида қабул қилинди, яна шунча талаба қизларга контракт пуллари тўлаб берилди.

Аёллар таълимига алоҳида эътибор бераётганимиз тўғрисида ўтган йили олий ўқув юртиларига қабул қилинган талабаларнинг 60 фоизини хотин-қизлар ташкил этди.

Агар бундан олти йил аввал олийгоҳларда 110 минг нафар қизларимиз тахсил олишган бўлса, бугунги кунда уларнинг сони 400 минг

нафарга етди ёки уларнинг улуши 2016 йилдаги 38 фоиздан айни пайтга келиб қарийб 50 фоизга етди.

Бу натижалар ҳам ушбу йўналишдаги ислохотларимизнинг амалий фодаси, десам, ўйламанки, сизлар ҳам фикримга қўшилсанлар.

Ҳар қандай халқнинг етуқлик даражасини, аввало, аёлларнинг илмий-маданий камолоти белгилаб бериши, оқила ва ўқимишли оналар миллатнинг буюк келажagini яратишлари ҳаммамизга яхши аён. Шу боис донишмандлар: "**Битта қиз болани ўқитсангиз – бутун оилани ўқитган бўласиз**", деб бежиз таъкидламаганлар.

Қизларимизнинг замонавий билимлар ва касб-хунар эгаси бўлиб, жамиятда ҳамда ўз оиласида муносиб ўрин топиши учун бошлаган ишларимизни бундан кейин ҳам изчил давом эттирамиз. Бу борада, аввало, 2022-2026 йилларга мўлжалланган **Хотин-қизлар таълимини қўллаб-қувватлаш миллий дастури**ни қабул қиламиз. Ушбу ҳужжат доирасида пойтахтда хотин-қизлар учун алоҳида университет ва жойларда унинг техникумларини ташкил этишимиз. Барча талаба қизларга таълим контрактларини тўлаш учун 7 йил муддатга фоизсиз кредит бериш тартиби жорий қилинади.

Ушбу ишларимизнинг мантиқий давоми сифатида илмий изланиш ва кашфиётлари билан юртимиз равнақига катта ҳисса қўшиб келаётган олимпиадаларни ҳамда олимпиадаларни қўллаб-қувватлаш ишларини янги босқичга кўтарамиз.

Маълумки, бугунги кунда опа-сингилларимиз орасида ўнлаб академик ва профессорлар, фан докторлари ва фан номзодлари, юзлаб истеъдодли тадқиқотчилар бор. Илм-фан билан шуғулланиш, илмий янгилик яратиш

– бу игна билан қудуқ қазишга баробар.

Мен ўзим шу соҳадан чиққан учун бу ишнинг нақадар қийин ва мураккаб эканини яхши биламан. Шунинг учун ҳам оила ташвишлари ва фарзанд тарбиясини илмий-тадқиқот билан бирга олиб бораётган, бу борада амалий ютуқ ва натижаларга эришаётган олимпиадаларни шахсан мен чинакам матонат ва жасорат соҳибалари деб биламан ва юксак қадрлайман.

Зукко ва билимдон хотин-қизларнинг илм-фанга бўлган қизиқиши ва иштиёқини ошириш мақсадида биз бир қанча муҳим чора-тадбирлар белгиладик. Жумладан, келгуси ўқув йилидан бошлаб магистратурада ўқиётган барча қизларнинг контракт пуллари тўлиқ бюджетдан қоплаб бериш учун ҳар йили 200 миллиард сўм маблағ йўналтирилади; докторантура йўналишида хотин-қизлар учун ҳар йили камида 300 тадан мақсадли квота ажратилади.

Бу ишларни тизимли равишда ташкил қилиш ва мувофиқлаштириш мақсадида Оила ва хотин-қизлар давлат қўмитаси ҳузурида "Олимпиадалар жамияти" тузилади. Ушбу жамият мамлакатимизда ва хорижда илм-фан соҳасида юксак ютуқларга эришаётган олимпиадаларимизни жиқлаштириб, уларнинг ақлзаковат нуруни ҳаётимизнинг ҳар бир жаҳасига кириб бориши учун ўзига хос парвоз майдонига айланади.

Заҳматқаш олимларнинг машаққатли ва шарафли меҳнатини муносиб рағбатлантириш, улар учун ҳар жиҳатдан қўлай шароит яратиш мақсадида "Олимпиадалар жамияти"га ҳар йили 50 миллиард сўм маблағ ажратилади.

Давоми 2-бетда. ▶

## ИНВЕСТИЦИЯЛАР ВА ЭКСПОРТНИ КЎПАЙТИРИШ, ОЗИҚ-ОВҚАТ БОЗОРНИ ТЎЛДИРИШ ВАЗИФАЛАРИ КЎРИБ ЧИҚИЛДИ

Президент Шавкат Мирзиёев раислигида 7 март куни видеоселектор йиғилиши бўлиб ўтди. Унда тармоқ ва ҳудудларни ижтимоий-иқтисодий ривожлантириш бўйича жорий йил учун белгиланган мақсадли кўрсаткичларга эришиш борасида ҳукумат томонидан кўрилатилган чора-тадбирлар муҳокама қилинди.

Қайд этилганидек, жорий йилнинг январь-февраль ойларида 687 миллион доллар хорижий инвестиция, шу жумладан, 615 миллион доллар тўғридан-тўғри сармоя ўзлаштирилган. Йил бошидан 506 та лойиҳа доирасида умумий қиймати 337 миллион доллар бўлган қувватлар ишга ту-

ширилиб, 7 мингта янги иш ўрни яратилган.

Ўтган икки ойда товар ва хизматлар экспорти ҳажми 1,7 миллиард доллардан ортиб, 2021 йилнинг шу даврига нисбатан 20 фоиз ошган. Хусусан, мамлакатимиз корхоналари томонидан ишлаб чиқарилаётган қурилиш материаллари экспорти қарийб 2 баравар, электротехника маҳсулотлари экспорти 1,5 баравар, тўқимачилик ва озиқ-овқат маҳсулотлари экспорти 1,3 баравар ўсган.

Йиғилишда тармоқ ва ҳудудлар раҳбарларига инвестиция лойиҳаларини ўз вақтида амалга ошириш, товарларни экспортга етказишда логистика масалаларини тезкор ҳал

қилиш бўйича кўрсатмалар берилди.

Давлатимиз раҳбари ички истеъмол бозорида нархлар барқарорлигини таъминлаш масалаларига қабул қилинган тўхтади.

Жорий йилнинг икки ойида инфляция даражаси 1,38 фоизни ташкил этгани, бу 2021 йилнинг юртимиз равнақига кўрсаткичдан (1,7 фоиз) пастлиги қайд этилди.

Айни пайтда глобал бозорлардаги нархларнинг кескин тебранишини ҳисобга олиб, мутасадди идоралар ва ҳудудлар раҳбарларига ички бозорда нархлар барқарорлигини сақлаш, энг аввало, аҳолини етарли миқдорда озиқ-овқат маҳсулотлари билан таъминлаш бўйича қўшимча чора-тадбирлар кўриш лозимлиги таъкидланди.

Президент томорқа хўжаликларини ривожлантириш ва уларда ички бозорда талаб юқори бўлган қишлоқ хўжалиги маҳсулотларини етиштириш учун аҳолига қўшимча 80 минг гектар ер майдонлари ажратиш борасидаги ишларга танқидий баҳо берди.

Шунингдек, мева-сабзавотчилик учун ажратилган 2 триллион сўм давлат маблағларининг натижадорлигини ошириш, уларни ўзлаштиришни тезлаштириш бўйича аниқ кўрсатмалар берилди.

Ҳудудлар раҳбарларига озиқ-овқат бозорига маҳсулотларни узлуксиз етказиш, бунинг учун зарур захираларни шакллантириш вазифаси қўйилди.

ЎЗА

# МЕНИНГ ОНАМ...

ОНАЛАРИМИЗ  
ЮЗ-ТУЗИЛИШИДАН,  
КЎРИНИШИ,  
ФЕЪЛ-АТВОРИДАН ФАРҚ  
ҚИЛИШИ МУМКИН. АММО  
ҲАММАСИНИНГ ЮРАГИ,  
ҚАЛБИ БИР ХИЛ: МЕҲРЛИ,  
ТАФТЛИ, ТЎЛҚИЛИ. БАРЧА  
ОНА ФАРЗАНДЛАРИНИ  
ЖОНДЕК СЕВАДИ, УЛАР  
УЧУН БИРДЕК ҚАЙГУРАДИ,  
ҲАМИША ДУОДА БЎЛАДИ.

8-mart, seshanba, 2022-yil.  
№10 (32704)

# АЁЛ ҚАДРИ УЛУҒЛАНГАН ЮРТДА ТИНЧЛИК ВА ФАРОВОНЛИК БАРҚАРОР БЎЛАДИ

## Ўзбекистон Республикаси Президенти Шавкат Мирзиёевнинг Халқаро хотин-қизлар кунига бағишланган тантанали маросимдаги нутқи

Умуман олганда, юқорида айтилган барча мақсадларга жорий ва келгуси йил учун 1,8 триллион сўм йўналтирилади.

Хурматли йиғилиш қатнашчилари!

Хабарингиз бор, яқинда хотин-қизларни қўллаб-қувватлаш бўйича ўтказилган йиғилишда ҳам бу борада олдимизда турган энг муҳим масалаларни атрофлича муҳокама қилиб олдик. Шу асосда муҳим фармон ва қарорлар қабул қилинди.

Ушбу вазифаларни тизимли ва самарали амалга оширишни таъминлаш мақсадида Бош вазир ўринбосари лавозими қайта тикланди ҳамда Оила ва хотин-қизлар давлат кўмитаси ташкил этилди.

Республикадаги 9,5 мингга яқин маҳалла раисининг хотин-қизлар ва оила бўйича ўринбосарлари ҳам кўмита тизимига ўтказилди. Ҳар бир маҳаллада хотин-қизлар фаоли лавозими янгидан жорий қилинди.

Шу тарихида опа-сингилларимизнинг муаммолари, дарду ташвишлари билан доимий шугулланганидан адолатли ва самарали тизим яратилди.

Энди мамлакатимизда аёлларни ижтимоий ҳимоя қилиш бўйича ёндашувлар ҳам тубдан қайта кўриб чиқилади. Жумладан, эҳтиёжманд аёлларга зарур шароитлар яратиш, хотин-қизлар саломатлигини тиклаш ва муҳофаза қилиш, айниқса, қишлоқ жойларда яшайдиган аёлларнинг касб-ҳунар эгаллашига кўмаклашиш, бандлигини таъминлаш, тадбиркорликка жалб қилиш бўйича муҳим тадбирлар амалга оширилади.

Мамлакатимизда тадбиркорлик соҳасида ишлаётган хотин-қизлар сонини янада кўпайтириш мақсадида “Бизнесчи аёллар” дастури қабул қилиниб, унинг доирасида 8 триллион сўм маблағ йўналтирилади. Шунингдек, жорий йилда ипотека кредитлари бўйича бериладиган субсидияларнинг 40 фоизи хотин-қизлар учун ажратилади. Бу муҳтож аёлларни 12 мингга қулай уй-жой билан таъминлаш имкониятини беради.

Тарихимизда илгари бўлмаган бундай кенг қўламли ишлар ижроси учун 15 триллион сўм маблағ йўналтирилмоқда.

◀ Давоми, бошланиши 1-бетда.

Барча ҳудудларимизда жамоатчиликка, аввало, ёшларга тарбиявий таъсир кўрсата оладиган, обрў-эътиборли аёлларни ўз сафида бирлаштирган “Оқила аёллар” ҳаракатини сизлар билан бирга ташкил этсак, бу эзгу ҳаракат том маънода жамиятимиз овозига, маҳалла виждонига айланади, деб ўйлайман.

Шунингдек, мулкчилик шаклидан қатъи назар, барча меҳнат жамоаларида хотин-қизларнинг муаммоларига самарали ечим топиш учун “Аёллар кенгашлари” тузилмоқда.

Бир фикрни алоҳида таъкидлаб айтмоқчиман: хотин-қизлар ва оила масаласи – бу нафақат бугунги кунимиз, балки эртанги келажагимизни ҳам белгилаб берадиган ҳал қилувчи омилдир.

**Агар биз меҳр-оқибат ва садоқат тимсоли, хонадонларимиз фариштаси бўлган аёлларга битта яхшилик қилсак, ҳеч шубҳасиз, бу ўн та яхшилик бўлиб қайтади. Дуогўй момоларимиз, муштипар оналаримиз ва азиз опа-сингилларимиз бу эҳтиром ва эътиборнинг албатта қадрига етадилар. Аёл қадри, инсон қадри улугʻланган юртда эса, тинчлик ва фаровонлик, аҳиллик ва барака албатта барқарор бўлади.**

Хурматли байрам тадбири қатнашчилари! Ҳозирги кунда хотин-қизлар мамлакатимиздаги демократик жараёнларнинг, халқчил ислохотларнинг фаол ва ташаббускор иштирокчисига айланиб бораётгани барчамизни қувонтиради.

Биз республикаимиз бошқарув тизимида, парламент ва маҳаллий кенгашларда, турли соҳаларда билимдон ва фидойи опа-сингилларимизнинг улушини кўпайтиришга алоҳида аҳамият қаратамиз. Уларнинг жамият ҳаётидаги ўрни ва нуфузини янада кучайтириш бундан буён ҳам эътиборимиз марказида бўлади.

Фурсатдан фойдаланиб, она Ватанимиз равнақи йўлида фидокорона меҳнат қилаётган сизлар каби минг-миглаб жонкуяр аёллар, фаол қизларимизга ўз номидан, бутун халқимиз номидан чуқур миннатдорлик изхор этишга ижозат бергайсиз.

Шу билан бирга, бугунги файзли даврамизда иштирок этаётган дипломат хонимларни – хорийий давлатларнинг хурматли

элчилари ва халқаро ташкилотлар вакиллари ҳам чин дилдан самимий қўтлайман. Сизларга ўзаро манфаатли ва кўпқиррали муносабатларимиз ривожига қўшаётган муносиб ҳиссангиз учун алоҳида ташаккур изхор этаман.

Айниқса, Бирлашган Миллатлар Ташкилоти Бош котибининг Марказий Осиё масалалари бўйича махсус вакили Наталия Герман хоним олияларини бугунги байрамда иштирок этаётганликларини учун алоҳида миннатдорлик билдираман. Бугунги байрам билан ушбу меҳмонимизни ҳам самимий табриклаб, минтақамизда яқин кўшничилик ва кўпқиррали ҳамкорлик муносабатларини мустаҳкамлаш борасидаги масъулиятли ишларида улкан муваффақиятлар тилаймиз.

Азиз опа-сингиллар!

Биз жоноҳон Ватанимизда Учинчи Ренессанс пойдеворини бунёд этишни ўз олдимизга буюк мақсад қилиб қўйганмиз. Бу эзгу ва шарафли йўлда энг аввало, оиланинг муқаддас қадриятларига ва чин мураббий бўлган оналаримизнинг теран маънавиятига таянамиз.

Шу боис мен сизларга мурожаат этиб айтмоқчиман.

Биз мамлакатимизни ҳар томонлама юксалтириш учун янги тарихий даврга қадам қўйдик.

**Фарзандларимиз қалбига улугʻ мақсадлар, олижаноб ғояларни сингдириш – барча Ўзбекистон оналарининг шарафли бурчидир.**

**Юксак фазилатли, мард ва жасур, ватанпарвар ёш авлодни тарбиялаб вояга етказиш албатта сизларга боғлиқ. Бу – ёруғ келажакка йўналтирилган энг катта инвестиция ва битмас-туганмас бойлиқдир.**

Шу ўринда шижоатли ва дилбар қизларимиз ҳам кўнглимиздаги бир фикрни айтмоқчиман.

Бугун биз эркин ва очик жамиятда яшамоқдамиз. Бу имкониятдан тўғри фойдаланиб, давр билан ҳамқадам бўлишимиз, замонавий илм ва касб-ҳунарларни эгаллаб, илғор тарқиёт ютуқларини ўзлаштиришимиз, айни вақтда миллий ўзлгимизга содиқ қолишимиз керак. Сизлар эл-юртимизнинг ана шундай юксак умиди ва ишончига муносиб бўласизлар, деб ишонаман.

Қадри ватандошлар!

Маълумки, турли соҳаларда ўз иқтидорини намоён этиб келаётган истеъдодли қизларимизни ҳар йили мана шу қўтлуғ байрам арасида Зулфия номидаги давлат мукофоти билан тақдирлаш яхши анъанамизга айланган.

Бугун Зулфияхонимга муносиб издош сифатида эътироф этилиб, совриндорлар сафида турган яна 28 нафар зукко фарзандларини кўриб, қалбим чексиз фаҳр ва қувончга тўлмоқда. Сизлар каби юксак марраларга интилувчан қизларимни чин юракдан табриклаб, намунали фаолиятингиз ва етакчилик фазилатларингиз билан тенгдошларингизга ўрнатилган муносиб баҳога эришганидан қувончланаман.

Шунингдек, ушбу файзли лаҳзаларда кўп йиллар давомида давлат ва жамият ҳаётида фаол иштирок этиб, фидойи меҳнати билан ўз соҳасида катта ютуқ ва натижаларга эришаётган бир гуруҳ аёлларимизни юксак давлат мукофотлари билан тақдирлаймиз.

Сизларнинг ҳар бирингиз ўз ғайрат-шижоатингиз, тафаккур ва тажрибангиз билан Янги Ўзбекистонимиз равнақи ва она халқимиз фаровонлиги учун бекиёс хизмат қилмоқдасиз.

Эл-юрт эътибори ва чексиз меҳрини қозонган ҳар қандай киши ўзини бахтиёр ҳис этишга ҳақлидир.

**Шу маънода, давлатнинг юксак мукофотларига сазовор бўлиш, бу аввало, халқнинг назарига тушиш, унинг дуосини олиш демокдир.**

Бугунги қувончга айёмда сизларга, азиз опа-сингилларимиз ва мунис қизларимизга ана шу мукофотларни топшириш менга улкан мамнуният бағишлайди.

Муҳтарам опа-сингиллар!

Суюкли қизларим!

Барчангизни яна бир бор бугунги баҳор ва нафосат, гўзаллик ва латофат байрами билан самимий табриклайман.

Сизларга дунёдаги энг бебаҳо бойлик – оилавий бахт-саодат, тинчлик-хотиржамлик, фарзандлар ва набиралар камолини кўриб юриш қувончи ҳамisha ёр бўлишини тилайман.

Иқболингиз баланд, умрингиз узок, ҳаётингиз фаровон бўлсин!

Қалбингиз доимо баҳордек яшнаб турсин! Ҳамиша соғ-омон бўлинглар!

## МЕҲР-ОҚИБАТ ВА САДОҚАТ ТИМСОЛИ, ХОНАДОНЛАРИМИЗ ФАРИШТАСИ

Халқаро конгресс марказида 8 март – Халқаро хотин-қизлар кунига бағишланган байрам тадбири бўлиб ўтди.

Ўзбекистон Республикаси Президенти Шавкат Мирзиёев аёлларни самимий табриклаб, уларга юксак эҳтиромини билдирди.

– Халқимиз азал-азалдан Она сиймосини, Аёл зотини Яратганининг улугʻ неъматини, тенгсиз мўъжизасини, деб билади, уни ҳамisha ардоқлаб-асраб яшайди, – деди давлатимиз раҳбари.

Маълумки, ҳар қандай жамият ва давлатнинг қай даражада халқпарвар ҳамда адолатли экани унинг хотин-қизларга бўлган муносабати ва ғамжўрлиги билан белгиланади. Мамлакатимизда халқни рози қилиш мақсади йўлида хотин-қизларнинг ҳуқуқ ва манфаатларини таъминлашга алоҳида эътибор қаратилмоқда. Уларнинг ўқиши, ишлаши, саломатлиги, оиласи учун шароитлар яхшиланмоқда.

Бу мақсадлар Тараққийёт стратегиясининг ҳам муҳим йўналишларидан бири. Шунга мувофиқ, 1 март кунини ўтказилган видеоселектор йиғилишида хотин-қизлар учун янада кенг имкониятлар белгиланди. Бу вазифаларни тизимли ва самарали амалга ошириш мақсадида Бош вазир ўринбосари лавозими қайта тикланди ҳамда Оила ва хотин-қизлар давлат кўмитаси ташкил этилди.

2022-2026 йилларга мўлжалланган Хотин-қизлар таълимини қўллаб-қувватлаш миллий дастури қабул қилинди.

Президентимиз ташаббуси билан жамоатчиликка, аввало, ёшларга тарбиявий таъсир кўрсата оладиган, обрў-эътиборли аёлларни ўз сафида бирлаштирган “Оқила аёллар” ҳаракати ташкил топмоқда. Шунингдек, барча меҳнат жамоаларида хотин-қизларнинг муаммоларига самарали ечим топиш учун “Аёллар кенгашлари” тузилмоқда.

Тадбиркор хотин-қизларни янада кўпайтириш мақсадида “Бизнесчи аёллар” дастури қабул қилиниб,

◀ Давоми, бошланиши 1-бетда.



унинг доирасида 8 триллион сўм маблағ йўналтирилади.

Шунингдек, жорий йилда ипотека кредитлари бўйича бериладиган субсидияларнинг 40 фоизи хотин-қизлар учун ажратилади. Бу муҳтож аёлларни 12 мингга қулай уй-жой билан таъминлаш имкониятини беради.

Тарихимизда илгари бўлмаган бундай кенг қўламли ишлар ижроси учун 15 триллион сўм маблағ йўналтирилади.

– Хотин-қизлар ва оила масаласи – бу нафақат бугунги кунимиз, балки эртанги келажагимизни ҳам белгилаб берадиган ҳал қилувчи омилдир. Агар биз меҳр-оқибат ва садоқат тимсоли, хонадонларимиз фариштаси бўлган аёлларга битта яхшилик қилсак, ҳеч шубҳасиз, бу ўн та яхшилик бўлиб қайтади, – дея таъкидлади Шавкат Мирзиёев.

Президентимиз хотин-қизларга мурожаат қилиб, уларни буюк ишларга руҳлантирди:

– Биз мамлакатимизни ҳар томонлама юксалтириш учун янги тарихий даврга қадам қўйдик. Фарзандларимиз қалбига улугʻ мақсадлар, олижаноб ғояларни сингдириш – барча Ўзбекистон оналарининг шарафли бурчидир. Юксак фазилатли, мард ва жасур, ватанпарвар ёш авлодни тарбиялаб вояга етказиш, албатта, сизларга боғлиқ. Бу – ёруғ келажакка йўналтирилган энг катта инвестиция ва битмас-туганмас

бойлиқдир.

Ўзбекистон Республикаси Президентининг шу йил 5 мартдаги фармонида мувофиқ бир гуруҳ хотин-қизлар юксак унвон, орден ва медаллар билан, Президент қарорига биноан эса йлгимиз саккиз нафар қиз Зулфия номидаги Давлат мукофоти билан тақдирланган эди.

Байрам тадбирида ана шу юксак мукофотлар тантанали равишда топширилди.

– Барчангизни яна бир бор бугунги баҳор ва нафосат, гўзаллик ва латофат байрами билан самимий табриклайман. Сизларга дунёдаги энг бебаҳо бойлик – оилавий бахт-саодат, тинчлик-хотиржамлик, фарзандлар ва набиралар камолини кўриб юриш қувончи ҳамisha ёр бўлишини тилайман. Қалбингиз доим бугунги баҳордек яшнаб турсин, – деди Президент.

Қорақалпоғистон Республикаси, Тошкент шаҳри ва вилоятлардан ташриф буюрган хотин-қизлар, турли вазирлик ва идоралар ходимлари файзли дастурхон атрафида байрамни нишонлади. Тадбирда чет эллик дипломат аёллар, халқаро ташкилотлар ваколатхоналари вакиллари ҳам иштирок этди.

Байрам тантанали концерт дастури билан давом этди.

ЎЗА

## БАЙРАМ ҲАЯЖОНЛАРИ

**Баҳор ва аёл бир бутуннинг икки қисмидек гўё. Чунки баҳор ҳам, аёл ҳам гўзалликни кўз-кўз қилади, яшарши, янгилашишга даъват этади. Ҳаётнинг нақадар гўзал ва умрнинг ҳар дами ғанимат эканини эслатиб туради. Ҳар йили кўлама билан бирга аёллар ҳам қайта тугилгандек бўлади. Бу йилги баҳор бошқача бошланди. Давлатимиз раҳбарининг хотин-қизлар ҳаётини янада яхшилаш, опа-сингилларимизни ардоқлаш, эъзозлаш ҳақидаги фикрлари, масъулларга берилган топшириқлар янгилашиш айёмига янада янгича руҳ улашди.**

Янгиликлар янгиликларга, яхшиликлар яхшиликларга уланди. 7 март кунини Халқаро конгресс марказида Президентимиз Шавкат Мирзиёев иштирокида 8 март – Халқаро хотин-қизлар кунини муносабати билан тантанали байрам тадбири бўлиб ўтди. Унда турли соҳаларда самарали меҳнат қилаётган, давлатимизнинг юксак даражадаги мукофотларига муносиб кўрилган аёллар қатнашди.

**Дилором ИМОВОВА, Олий Маҳлис Қонунчилик палатаси депутати, Ўзбекистон ХДП фракцияси аъзоси, “Содиқ хизматлари учун” медали соҳибаси:**

– Шанба кунини кеч соат 11 лар эди, адашмасам. Қўл телефонида кўнгирик бўлди. Тест топширишимиз кераклигини айтишди. Ажабландим ва албатта, эртага тест топширишимни, байрамда депутат сифатида қатнашишимни билдирдим. Шунда улар тест топширишим керак бўлган манзилни айтишди. Юрагим бир нарсга сезди-ю, лекин бу қадарини кутмаган эдим.

Тўғриси айтсам, мукофотланганларга ҳавас билан қараганман, уларга ўхшашга ҳаракат қилганман. Шукрлар бўлсин, шахсан Президентимизнинг қўлидан мукофотни олиб, кўксимга тақар эканман, ўзимга сўз бердим. Шу эътирофга муносиб бўлишга, ишлашга, бедор бўлишга аҳд қилдим. Ҳали ҳам ҳаяжондаман.

Қувонарлиси шундаки, фаол аёллар тизими ташкил этилди. Унда депутатлар, ҳокимлар, турли ташкилотлар раҳбарлари,

тадбиркорлар бўлади. Уларнинг фаоллиги билан хотин-қизларнинг муаммоларига ечим топиш осонлашади. Тизим ишга тушса, ҳаётда ўз ўрнини топишга қийналаётган опа-сингилларимизга кўмак берилади. Бу орқали бизга ҳам бирмунча энгиллик яратилади. Чунки биз барча жойга етиб боришга қийналардик. Туман миқёсидаги муаммоларни ечишга вақт нуқтаи назаридан қийналардик. Тан олишимиз керак, уй-жойсиз, ишсиз аёллар ҳам бор. Улар учун қанча имтиёзлар, имкониятлар эшиги очилмоқда.

Президентимиз бир гапни таъкидлади, яъни аёлларга 4 та уй олиб беришга қийналган пайларимиз бўлган. Ёки хотин-қизлар ўз ҳуқуқларини билмаслиги оқибатида аянчли аҳволда яшаган. Энди улар ўз ҳуқуқларини билади, билмагани ўрганапти. Энди уларнинг ҳимоячиси бор, давлат бор, давлат раҳбари бор. Яна бир гап қайд этилди. Бир қизни, бир аёлни ўқитиш орқали бутун бир оилани маърифатли қилган бўламиз. Чунки таълим нажот, билим нажот. Бошқа йўл йўқ.

Бугун яна бир нарсани ҳис этдим. Ёш қиз бўлиб қолгим келди. Яна шу йўлдан, илм йўлидан борардим. Ўқитувчи бўлардим. Дадам ўқитувчи, онам деҳқон бўлган. Оддий одамларнинг фарзанди бўла туриб, шу даражадаги мукофотга эришганимдан жуда бахтлиман.

**Зилола УБАЙДУЛЛАЕВА, “Ўзбекистон овози” муҳбири.**

## Байрамнинг билан табриклиймиз!

8-mart, seshanba, 2022-yil.  
№10 (32704)ИЛГАРИ БУНДАЙ ВАКЦИНАЛАР  
ПУЛГА СОТИБ ОЛИНАР ЭДИ...

**Қизилгул ҚОСИМОВА,**  
**Олий Мажлис Қонунчилик**  
**палатаси депутати, УзХДП**  
**фракцияси аъзоси:**

— Оилада миллатнинг эртанги кунига пойдевор қўйилади. Қалбимиздаги энг олийжаноб туйғулар аввало, ондан ўтади. Оиласидан хотиржам аёл жамиятда бошқа мақсадларни кўзлай олади, фарзандлари соғлигидан кўнгли тинч аёл касбий вазифасини бажара олади.

Давлатимиз раҳбари баҳорнинг илк кунини, хотин-қизлар байрами арафасида биз, аёлларга баҳорий кайфият улашди, шу билан бирга, ҳаммамиз учун муҳим бўлган масала — хотин-қизларни ҳар томонлама қўллаб-қувватлаш, уларнинг жамиятдаги мавқеини янада мустаҳкамлаш бўйича энг долзарб вазифаларни белгилаб берди.

Йиғилишда аёллар саломатлигини тиклаш ва уларга малакали тиббий хизмат кўрсатиш бўйича қатор тадбирлар амалга оширилиши қайд этилди. Хусусан, жорий йилда қўшимча 6 минг нафар аёлга юқори технологик тиббий ёрдам кўрсатилади. Бу рақам 2021 йилга нисбатан 5 баравар кўп. Бу мақсадга 100 миллиард сўм йўналтирилади.

Жамиятда саломатлигида муаммо бўлса-да рўзгор тебратишга кўмаклашадиган, фарзанд тарбияси билан машғул оналар, аёллар ҳам талайгина. Республика бўйича 10 мингдан зиёд ногиронлиги

бўлган хотин-қизлар реабилитация воситалари билан таъминланиши уларга чин маънода катта ёрдам бўлади.

Бундан анча йиллар аввал аҳоли ёлпасига патронаж ва оммавий чўқурлаштирилган кўриқдан ўтказилган, касалликлар аниқланиб, диспансер гуруҳларга ажратилган ва даволанган. Эндиликда бу касалликларни даволашдан кўра, уларнинг олдини олишга қаратилган ишларга алоҳида эътибор қаратилмоқда. Шу мақсадда 3 миллион нафар хотин-қиз онкологик скринингдан ўтказилади, бунинг учун бюджетдан 40 миллиард сўм маблағ ажратилади.

2016 йилда иккита марказ — Ақушерлик ва гинекология илмий-амалий маркази ва Республика перинатал маркази бор эди. Эндиликда бу марказларнинг вилоятларда филиаллари мавжуд. Қолаверса, 46 та туманлараро перинатал марказлар фаолият юритаётгани хотин-қизларга жуда катта қўлайликлар яратмоқда.

Бундан ташқари, илгари улар неча йилда бир таъмирланган, жиҳозлар етарли эмас эди. 2022-2025 йилларда 227 та туғруқ комплекси ҳамда 46 та туманлараро перинатал марказлари тўлиқ таъмирланиши ва жиҳозланиши жойларда аёлларга кўрсатиладиган тиббий хизматлар сифати янада яхшиланишига хизмат қилади.

Яна бир маълумот, 9-12 ёшдаги ўсмир қизларни одам папилломаси вирусига қарши эмлаш ва бошқа 12 турдаги вакциналар учун 200 миллиард сўм ажратилади. 5-6 йиллар илгари бундай вакциналарни фуқароларнинг ўзлари пулга сотиб олишар эди.

Туғиш ёшидаги, ҳомиладор ва бола парваришидаги аёлларни дори воситалари ва витаминлар билан бепул таъминлаш кўламини кенгайтириш мақсадида маблағлар ҳажми 30 миллиард сўмдан 100 миллиард сўмгача оширилиши ҳам аёллар ва болалар орасида касалланишни тобора камайтириш мақсадларига қаратилгани билан аҳамиятлидир.

Ёшариш, гўзаллаштиш фаслида хотин-қизлар ҳам хасталиги кўнгли хираланиган фориг бўлишлари, ҳамиша чирой очиб, оиласи, фарзандлари бағрида шукроналик билан саломат яшашларини истаймиз. Зеро, улар табиатнинг янгилини фақатгина эмас, ҳар доим эътибор ва ғамхўрликда.

АЁЛ БАХТЛИ БЎЛСА,  
ОИЛА МУСТАҲКАМ,  
ЖАМИЯТ БАҲҚАРОРДИР

**Мавжуда ҲАСАНОВА,**  
**Олий Мажлис Қонунчилик**  
**палатаси депутати,**  
**УзХДП фракцияси аъзоси:**

Яқинда Президентимиз Шавкат Мирзиёев раислигида хотин-қизларни қўллаб-қувватлаш тизими ҳамда уларнинг жамиятдаги мавқеини янада мустаҳкамлаш масалалари бўйича ўтказилган видеоселектор йиғилишида устувор вазифалар белгилаб берилди.

Йиғилишда тилга олинган сўзлар ўйлайманки, мамлакатда яшайётган барча хотин-қизларимиз эътиборини тортди. Давлат раҳбари жамиятда аёллар қадри ва қаддини кўтариш учун қатъий туриб, тизимда ислохотлар натижадорлигига ўзи шахсан эътибор қаратиши уларнинг кўнглини тоғдек кўтарди. Амалга оширилган ишлар таҳлил этилар экан, 2020 йилда йўлга қўйилган "Аёллар дафтари" тизими доирасида 900 минг нафарга яқин хотин-қизга ижтимоий-иқтисодий, тиббий, ҳуқуқий ва психологик кўмак кўрсатилгани, 2 минг нафар қиз алоҳида грант асосида олийгоҳларга қабул қилинган, 1 минг 800 нафар қизнинг контракт пуллари тўлаб берилгани таъкидланди.

Йиғилиш давомида юртбошимиз ҳали олдимизда қилишимиз керак бўлган ишлар салмоғи кўп эканини билдирди. "Аёллар дафтари"га киритилган 630 мингдан зиёд хотин-қиз рўйхатда тургани қайд этилдики, бу депутатларимиз олдида турган муҳим вазифалардир.

Албатта, баҳор фаслининг илк куниданоқ хотин-қизларга алоҳида эътибор қаратилиб, уларни тадбиркорликка жалб қилиш, бандлигини таъминлаш бўйича муҳим вазифалар белгилаб берилаётгани бежиз эмас. Зеро, аёл бахтли бўлса, оила, бутун жамият бахтли бўлади.

ХДП фахрий  
аёллари  
эъозланди!

Ўзбекистон ХДП Тошкент вилояти кенгаши 8 март — Халқаро хотин-қизлар кунини байрами муносабати билан ХДПнинг фахрий аёлларини эъозлашди.

Ўзбекистон ХДП Тошкент вилояти кенгаши раиси А.Умаралиев, Чирчиқ шаҳар кенгаши раиси Н.Раҳманбердивалар "Лола" МФЙда истиқомат қилувчи, узок йиллар партиядо самарали меҳнат қилган, фаол БПТ раҳбари, партиямиз аъзоси Г.Юсупова хонадонидо бўлиб, улар билан самимий суҳбат қилиб, байрам билан табриклашди.

«Этак»  
маҳалласида 100 га  
яқин хотин-қизлар  
учун байрам  
дастурхони ёзилди

8 март — Халқаро хотин-қизлар кунини муносабати билан бўлиб ўтган тадбирга "Аёллар дафтари"га киритилган, кам таъминланган оилалар тақдир этилди. Депутат ва Косон туман ҳокимлиги вакиллари хотин-қизларни байрам билан табриклаб, уларга ўз совғаларини улашди. Тадбир бир-бирдан қизиқарли саҳна чиқишлари ва куй-қўшиқлар билан давом этди.



Ўрол Ўразбоевнинг онаси(ўнгдан биринчи).



Фирдавс Шарипов онаси.



Шерзод Раҳмонов онаси.

## МЕНИНГ ОНАМ...

ОНАЛАРИМИЗ ЮЗ-ТУЗИЛИШИДАН, КЎРИНИШИ, ФЕЪЛ-АТВОРИДАН ФАРҚ ҚИЛИШИ МУМКИН. АММО ҲАММАСИНИНГ ЮРАГИ, ҚАЛБИ БИР ХИЛ: МЕҲРЛИ, ТАФТЛИ, ТЎЛҚИНЛИ. БАРЧА ОНА ФАРЗАНДЛАРИНИ ЖОНДЕК СЕВАДИ, УЛАР УЧУН БИРДЕК ҚАЙҒУРАДИ, ҲАМИША ДУОДА БЎЛАДИ. ОЛИЙ МАЖЛИС ҚОНУНЧИЛИК ПАЛАТАСИ ДЕПУТАТЛАРИ ҲАМ ОНАЛАРИ ҲАҚИДА ШУНДАЙ ФИКРЛАРНИ АЙТИШДИ. ВОЛИДАЛАРИ ҚАТОРИДА БАРЧА АЁЛЛАРНИ, ОНАЛАРНИ БАЙРАМ БИЛАН ҚУТЛАШДИ.

## Ўрол ЎРАЗБОЕВ:

— Бугунги байрам кунларига аёлларимиз ҳақида сўз кетар экан, биринчи навбатда Она сиймоси кўз олдимизда гавдаланади.

Менинг онам — Бувниша Ўразбаева ҳам бугун жаннатмонанд юртимизда аёлларимиз, оналаримиз учун яратилган шароитлардан баҳраманд бўлиб, фарзандлари, неваралари ардоғида умргузаронлик қилаётган, юртимизга тинчлик, элимизга фаровонлик тилаб дуода бўлиб келаётган бахтли инсонлардан бири.

Онамнинг қўли меҳнатда, кўнгли Яратганда бўлган, уйим-жойим, оилам, фарзандларининг қўли, деб яшаб келаётган ўзбек аёли. Онажоним 1994 йилдан "Саҳоб" фермер хўжалиги раҳбари сифатида узок йиллар меҳнат қилди. Ҳар йили пахтачилик, ғаллачиликда юқори натижалар кўрсатиб, мўл-ҳосилли хирмон уйиб, элимиз фаровонлигига муносиб ҳисса қўшди. Бизлар олти фарзанд эсимизни танимизки, онамизнинг ёнида елкадош бўлиб, оғирини енгил қилишга ҳаракат қилдик. Ўйлаб кўрсам, айнан пешона тери билан топилган ноннинг таъмини туйиб катта бўлганимиздани, ҳали-ҳамон далада ишлаётган бобо-деҳқонларимизга, айниқса, аёллар, хотин-қизларга ҳурмат билан қараймиз.

Қадрдонларим, онажонларим, меҳрибонларим, опа-сингилларим, жажжи қизалоқлар, барча ўзбегим аёлларига байрам муборак бўлсин!

## Анвархон ТЕМИРОВ:

— Болалик чоғимдан ҳозирги кунгача бир нарсанинг гувоҳи бўламан: ҳар кунни сахарлаб уйғонганимда ҳам, ишлар, ўқишлар, юмушлар, қўйингки, ҳаёт ташвишлари билан бўлиб, кечда, ярим тунда уйга қайт-

ганимда ҳам муштипар онамнинг жойнамоз устида дуо қилаётганини кўраман.

Баъзида ўйлаб қоламан, биз эришаётган ютуқлар, натижаларимиз ҳисоби онамизнинг биз учун қилаётган бир дақиқалик дуосига етармикин?!

Бир суворий ватани учун курашаётган ҳар бир жанг майдонига ҳеч қандай қалқонсиз тушаркан. Ажабки, ашадий ва аёвсиз курашларда йиллар давомида яраланмай, доим ғалаба қозонаркан. Кунлардан бир кунни ўша суворий жанг майдонига қалқон ва барча ҳимоя воситалари билан чиқибди. Сафдошлари бу ҳолатдан ажабланиб, шунча йиллар мобайнида катта жангларга қалқонсиз тушиб, яраланганини, энди эса нима учун бирдан шунча ҳимояга тушиб қолганини сўрашибди. Шунда суворий: йиллар давомида энг ашадий душман, душманнинг қиличи ва балоларидан мени онамнинг дуоси асради. Энди эса кўрқаман. Чунки мени дуо қиладиган онам бир неча кун олдин вафот этдилар, деган экан.

Оналар, аёллар ҳақида шунчаки ёзиб бўлмайди, балки юракнинг кўри, соғинч ва муҳаббатга қоришқ сўзларни битиш керак. Бизни дунёга келтирган, улғайтирган, ҳар бир муваффақиятларимизнинг асоси бўлган она сиймосини ҳар қанча эъозласак оз.

## Фирдавс ШАРИПОВ:

— Менинг дастлабки устозларим ота-онам ҳисобланишди. Албатта, фарзанд тарбиясида онанинг ўрни катта. Буни оилали бўлганимда янада чуқур ҳис этдим. Кўплаб ютуқларга эришимизда онамнинг ўрни энг асосийларидан, албатта. Онам бошланғич синф ўқитувчиси сифатида қарийб 40 йил мўъжазгина тоғ қишлоғида мактабда муҳир устоз бўлиб ишладилар. Менга нафақат

уйда, ҳатто мактабда ҳам устоз бўлиб дарс берганлар.

Кўпчилик ҳам журъат қилолмайдик, шароитлар бор бўлган шаҳардан олис тоғ қишлоғига келин бўлиб, тонг сахардан туриб мол-ҳолга қарашдан тортиб, томорқада ер ағдаришу, ўчоқда овқат қилиш, тандирда нон ёпишу, уй-жой қилиш учун лой қориш, фарзандларини ювиб-тараб, тарбияси билан машғул бўлиш, камига кечқурун эртанги кунги дарсга тайёрланиш... Менинг онам қаҳрамон.

Она учун бола неча ёшга тўлса ҳам бола бўлиб, унга меҳр улашавераркан, улашавераркан. Доим ҳолимдан хабар оладилар. Кузатгандан сўнг то манзилга етиб бормагунимча тинчимайдилар.

Она, мен бахтлиман. Сизнинг орзу, истакларингиз амалга ошиши мен учун олий мақсад. Онажон, сизни, сизнинг тинчлигингизда юртимизнинг барча оналарини байрам билан чин қалбдан табриклиман! Доим соғ ва омон бўлинг, оналар бор бўлсин!

## Шерзод РАҲМОНОВ:

— Болалигимда, аниқроғи, эсимни таний бошлаган кезларда бизга онамни яхши кўрсанми ёки отангни, деб савол беришарди. Ва табиийки, кўпчилик, "онамни", деб жавоб беради. Бу асло отамни ёмон кўраман, дегани эмас. Аксинча, бу онага бўлган меҳр-муҳаббатнинг юксак рамзи, онага бўлган самимиятнинг бебаҳо изҳори эканлигини оталаримиз ҳам тушунади.

Она улуг зот бўлиш билан бирга, сирсинаотларга бой инсон. Масалан, гўдак чинқириб йиғлаганда атрофидагилар қанча ҳаракат қилмасин, уни тинчлантиролмайди. Бола на алдовга, на дўққа кўнади. Онанинг тафти эса боласини тинчлантиради.

Ҳар тонг эрталаб кунни онам билан телефон орқали гаплашишдан бошлайман. Ва оқшомни ҳам шундай кузатаман. Ҳол-аҳвол сўрайман. Кундалик ташвишлари билан қизиқаман. Аслида эса бу билан онамни кўпроқ тинчлантираман. Овозимни эшитишларининг ўзи уларга учун хотиржамлик. Олисда қўлимиздан шу келади-да, биргина қўнғирок билан онамизга бир кунлик қувонч ҳада қилсак, дуосини олсак, ўзимиз ҳам хурсанд.

## Оналаримиз омон бўлсин!

"Ўзбекистон овози" муҳбири  
Гулрўх ОДАШБОВА тайёрлади.

## Мамлакатимизда кейинги 5 йилдаги ислохотлар транспорт-логистика соҳасида катта ўзгаришларни амалга ошириш имконини берди.

8-mart, seshanba, 2022-yil.  
№10 (32704)



СЎНГИ ПАЙТЛАРДА ЖАҲОНДА РЎЙ БЕРАЁТГАН ВОҚЕАЛАР, МАМЛАКАТЛАР ЎРТАСИДАГИ СИЁСИЙ ТЎҚНАШУВЛАР ОРТИДАН ИҚТИСОДИЙ ҚАРАМА-ҚАРШИЛИКЛАР ҲАМ КУЧАЙМОҚДА. ЯНГИЛАНАЁТГАН ДУНЁ ТАРТИБИГА ТЕЗРОҚ МОСЛАШИШ УЧУН ЯҚИН ВА УЗОҚ ДАВЛАТЛАР БИЛАН ФАОЛ ҲАМКОРЛИКНИ САҚЛАБ ҚОЛИШ, БУНИНГ УЧУН ЭСА ХАЛҚАРО ТРАНСПОРТ-ТРАНЗИТ САЛОҲИЯТИНИ ЯНАДА РИВОЖЛАНТИРИШ МУҲИМ АҲАМИЯТ КАСБ ЭТАДИ.

# ЗАМОНАВИЙ ҚАРВОН



**Шарофиддин НАЗАРОВ,**  
**Олий Мажлис Қонунчилик палатаси Бюджет ва иқтисодий ислохотлар қўмитаси раиси, иқтисодийёт фанлари доктори, профессор:**

— Ўзбекистон учун мавжуд транспорт йўлақларидан самарали фойдаланиш ва янгиликларини очиш миллий иқтисодий тизимнинг барқарорлигини таъминлашда ўта муҳим аҳамиятга эга. Бу борада Янги Ўзбекистоннинг тараққиёт стратегиясида ягона транспорт тизимини ривожлантириш, замонавий транспорт ва логистика хизматлари бозори ва инфраструктурасини шакллантириш ҳамда транспорт соҳасида ташқи савдо учун “яшил коридорлар” ва транзит имкониятларини кенгайтиришга қаратилган вазифалар белгиланган. Ушбу мақсадга эришиш дунёда юзага келган геосиёсий ва геоиқтисодий ҳолатда барча имкониятларимизни ишга солишни тақозо этади.

Ўзбекистонда мавжуд ҳудудлараро транзит ва коммуникация йўллари, маданий ва тарихий манбаларга бой манзиллар, табиий-иқтисодий ресурслар минтақалараро интеграция учун катта имконият ва шарт-шароитларни тақдим этади. Шунинг эса тутиш керакки, ўтмишда заманимиз Осие цивилизациясида муҳим роль ўйнаган. Бу ерда Буюк ипак йўлининг марказий боғловчи туғуни, замонавий тил билан айтганда, логистика маркази жойлашган бўлиб, у орқали нафақат моддий бойликлар, балки номоддий бойликлар — ота-боболаримизнинг тажрибаси, ютуқлари ва илмий фикрлари ҳам тарқалган. Шу жиҳатдан Ўзбекистон Осие ва Европанинг жаҳон ишлаб чиқариш марказлари ўртасида товар ва капитал оқимини ошириш учун келажакдаги транзит йўлақлари тизимини ўзида жамлаш имкониятига эга.

### МУАММОЛАР ВА УЛАРНИНГ ЕЧИМИ

Яқин-яқингача Ўзбекистоннинг транспорт-логистика салоҳияти жуда чекланган, мамлакатимиз ташқи иқтисодий алоқаларини учта денгиз порти — Ильичевск (Қора

денгизга чиқиш), Санкт-Петербург (Болтик денгизига чиқиш имконияти билан) ва Владивосток (Узоқ Шарқ портларига чиқиш имконияти билан) орқали амалга ошириши мумкин эди. Ушбу портларга республикадан мос равишда 3 минг, 4 минг 300 ва 8 минг километр масофани босиб ўтиш юк ташиш нархини сезиларли даражада оширарди.

Мамлакатимизда кейинги 5 йилдаги ислохотлар транспорт-логистика соҳасида катта ўзгаришларни амалга ошириш имконини берди. Президентимиз ташаббуси билан мазкур соҳанинг ҳуқуқий ва институционал асослари мустаҳкамланди. Хусусан, транспорт-логистика салоҳиятини ошириш мақсадида Ўзбекистон Республикасининг “Транспорт тўғрисида”, “Темир йўл транспорти тўғрисида”, “Автомобиль йўллари тўғрисида”, “Йўл ҳаракати хавфсизлиги тўғрисида” ва “Шаҳар йўловчи транспорти тўғрисида”ги қонунлари қабул қилинди. Шунингдек, автомобиль, темир йўл, ҳаво катновларини ривожлантириш соҳасида ягона давлат сиёсатини ишлаб чиқиш ва амалга ошириш бўйича давлат органи бўлиши Транспорт вазирлиги ташкил этилди.

“2018–2022 йилларда юк ташишнинг транспорт инфратузилмасини такомиллаштириш ва ташқи савдо йўналишларини диверсификация қилиш комплекс дастури”ни амалга ошириш доирасида янги транспорт-транзит йўлақлари ва логистика марказлари тармоғини ривожлантириш, автотранспорт ва ҳаво кемалари паркинни кенгайтириш, юкларни қўшни давлатларда самарали ташиш учун шарт-шароит яратиш бўйича тизимли ишлар амалга оширилмоқда.

Бундан ташқари, йўловчи ҳамда юк ташиш ҳажми ва сифатини ошириш учун шароит яратиш, транспорт тизимини такомиллаштиришни назарда тутувчи Ўзбекистон Республикаси транспорт тизимини 2035 йилгача ривожлантириш стратегияси ишлаб чиқилмоқда. Транспорт соҳасини бошқариш тизими, шунингдек, соҳа ходимларини тайёрлаш, қайта тайёрлаш ва малакасини оширишга принципиал янги ёндашувлар жорий этилди.

Ўзбекистоннинг Европа Иттифоқи махсус имтиёзлар тизими (GSP+) га бенефициар давлат сифатида қабул қилинган Европа Иттифоқи давлатлари билан ўзаро савдони ривожлантириш учун қўшимча имкониятлар тақдим этди. 6,2 мингдан ортиқ товарни Европа Иттифоқи давлатларига GSP+ доирасида божсиз олиб кириш имконияти Ўзбекистонда бир қатор истиқболли лойиҳаларни амалга оширишга тўртки беради. Бу эса, ўз навбатида, Ўзбекистон билан Европа Иттифоқи мамлакатлари ўртасидаги савдо-иқтисодий алоқаларни диверсификация қилиш имконини яратди. Бундай шароитда Марказий Осиеда Шимоли-жанубий ва ғарбий, шарқий йўналишлар бўйлаб транспорт йўлақларини бирлаштира оладиган транспорт йўлақларини ривожлантириш алоҳида аҳамиятга эга.

Президентимизнинг Марказий Осие давлатлари билан яқинлашиш, минтақада дўстлик ва яхши кўшничлик муносабатларини ўрнатish бўйича олиб бораётган фаол сиёсати юзага келаятган муаммоларни ечиш имконини яратмоқда. Хусусан, Ўзбекистоннинг Ангрэн — Поп темир йўли “Хитой — Марказий Осие — Европа” коридоридаги муҳим бўғин ҳисобланади ҳамда Хитойни Жануби-шарқий Европа,

имконини берувчи энг яқин йўл ҳисобланади.

Ушбу транспорт йўлақларини ривожлантириш орқали Ўзбекистон нафақат Осие минтақаси давлатлари, бошқа хорижий, хусусан, Европа давлатлари билан ўрнатилган интеграция ва ҳамкорлик алоқаларини сақлаб қолиш ва ривожлантириш имконига эга бўлади. Бу борада Ўзбекистоннинг Марказий Осие мамлакатларини узвий боғловчи минтақавий ва минтақалараро транспорт лойиҳаларини амалга оширишга қаратилган ташаббуслари алоҳида аҳамият касб этмоқда. Бу Марказий Осие давлатларининг ягона транспорт-логистика тармоғига интеграциялашуви орқали жаҳон бозорларига чиқишини таъминлайди. Чунки минтақадаги барча Марказий Осие мамлакатлари денгиз портларига чиқишдан географик жиҳатдан изоляция қилинган умумий муаммога эга.

### ТРАНЗИТ БИЗГА НИМА БЕРАДИ?

Ўзбекистонда транспорт тизимини ривожлантиришда яна бир тўртки транзит учун қўшимча шарт-шароитлар яратиш ва тегишли логистика хизматларини кўрсатишдир. Европа ва Осие давлатлари ўртасида юкларни транзит

Йўловчи ҳамда юк ташиш ҳажми ва сифатини ошириш учун шароит яратиш, транспорт тизимини такомиллаштиришни назарда тутувчи Ўзбекистон Республикаси транспорт тизимини 2035 йилгача ривожлантириш стратегияси ишлаб чиқилмоқда.

Яқин Шарқ, Форс кўрфази ва Ўрта ер денгизи билан боғлаш имконини беради. 2018 йилда очилган “Тошкент — Андижон — Ўш — Иркештом — Қашғар” автомобиль йўлига бўйлаб ҳаракатланиш Марказий Осиедан тўғридан-тўғри Хитойга бориш имконини яратди. Трансафғон транспорт йўлаги ҳам муҳим йўналишлардан бири ҳисобланади. “Ҳайратон — Мозори Шариф” темир йўли орқали денгиз портларига чиқиш мумкин. “Бир макон, бир йўл” доирасидаги йирик транспорт лойиҳаларидан бири бўлган “Ўзбекистон — Қирғизистон — Хитой” темир йўлининг ишга туширилиши Хитой — Қирғизистон — Ўзбекистон темир йўли лойиҳаси янги савдо бозорларини очишга хизмат қиладиган истиқболли транспорт йўлаги ҳисобланади. Ашхобод келишуви доирасида амалга оширилаётган яна бир субминтақавий лойиҳа — “Россия — Қозғистон — Ўзбекистон — Туркменистон — Эрон — Ўмон — Ҳиндистон” транспорт йўлаги Ҳинд океани ва Форс кўрфазига кириш

ташишни жадаллаштириш орқали нафақат қўшимча даромад манбаига, шунингдек, минтақадаги қўшни давлатлар ўртасида саноат кооперациясини мустаҳкамлаш имконига эга бўлаемиз.

Транзит салоҳиятини ошириш нуктаи назаридан мамлакатимиз иқтисодиёти учун “Ўзбекистон — Туркменистон — Эрон — Ўмон” минтақавий транспорт йўлаги лойиҳаси жуда муҳим. Ушбу транспорт-транзит йўлаги Марказий Осиени Эроннинг Форс ва Ўмон кўрфазларидаги портлари билан боғлаш учун мўлжалланган. Ушбу маршрут Шарқий Хитойдан Форс кўрфази бозорларига товарларни Ўзбекистон орқали етказиб беришда энг қисқа ва тезкор логистика ечими саналади.

Логистика ва молиявий харажатларни реал баҳолаган ҳолда транспорт-транзит салоҳиятини оширишда Ўзбекистоннинг ташқи савдо юкларини Жанубий Осие ва Яқин Шарқ бозорларига чиқишини таъминлай оладиган Эрон ва Покис-

тон портларига олиб борувчи йўлақларнинг Ўзбекистон учун аҳамияти ошиб боришини халқаро экспертлар ва мутахассислар алоҳида эътироф этмоқда. Шунингдек, Ангрэн — Поп электрлаштирилган темир йўл линияси Хитойгача бўлган масофани 270 километрга қисқартирди. “Хитой — Қирғизистон — Ўзбекистон” темир йўл коридори амалга оширилган тақдирда, ушбу участка унинг асосий элементига айланади ва Ўзбекистоннинг глобал логистика йўналишлари тармоғига қўшилишини таъминлайди. Натижада Ўзбекистон нафақат Хитой, балки Яқин Шарққа ҳам тўғридан-тўғри чиқиш имкониятига эга бўлади.

Бундан ташқари, мазкур йўналишнинг ишлаши юк ташиш вақтини 5-6 кунга қисқартиради. “Поп — Наманган — Андижон” участкасини электрлаштириш мазкур линия қувватидан фойдаланиш самарадорлигини янада ошириш имконини беради.

Хулоса ўрнида таъкидлаш жоизки, транспорт-транзит салоҳиятини ошириш Марказий Осиеда нафақат Ўзбекистоннинг, шунингдек, қўшни давлатларнинг энг долзарб вазифасига айланиб бўлди ва уни амалга ошириш мамлакатлар ўртасида минтақавий ҳамкорликни юқори даражага олиб чиқишни талаб этмоқда. Бу борада давлатимиз раҳбарининг Марказий Осие давлатлари билан яқинлашиш, улар билан ишончли ва дўстона муносабатлар ўрнатиш, сунъий тўсиқларни бартараф этиш борасида олиб бораётган прагматик ва фаол сиёсати минтақавий иқтисодий интеграция ва ҳамкорлик учун ишончли замин яратди, десак ўринли бўлади.

Ушбу платформада (заминда) минтақа мамлакатларининг фаол иштирокида транспорт-логистика соҳасида истиқболли йўналишларни изчил амалга ошириш, миллий иқтисодиётлар ўртасида ўзаро боғлиқликни мустаҳкамлаш, халқаро магистрал йўлақларни қуриш ҳамда Осие, Европа ва Африка минтақаларини боғловчи инфратузилма тармоғини шакллантиришни биргаликда рағбатлантириш борасида аниқ вазифаларни амалга ошириш вақти келди. Бунинг учун Марказий Осие мамлакатлари томонидан олиб борилаётган ижтимоий-иқтисодий сиёсатни мувофиқлаштириш, ўзаро сиёсий ишончни мустаҳкамлаш, иқтисодиётни ривожлантириш соҳасида умумий асослар ва ўзаро манфаатли ҳамкорликни ривожлантириш зарур. Хусусан, эркин савдо зоналарини очиш, саноат кооперациясини йўлга қўйиш ва боғвона тартиб-таомилларини соддалаштиришга қаратилган конструктив мулоқотни кучайтириш мақсадга мувофиқ.

Умуман олганда, ҳозирги кундаги геоиқтисодий ҳолат Марказий Осиеда интеграция лойиҳаларини фаол илгари суриш, минтақавий хавфсизлик ва минтақанинг барқарор ривожланишини таъминлаш учун қулай шарт-шароитлар яратмоқда. Уларни амалга оширишнинг ижобий натижалари транспорт харажатларини камайтириш, логистикани ривожлантириш, инновациялар тарқалишини кучайтириш орқали миллий иқтисодимизнинг рақобатбардошлигини оширишга ва пировардида аҳоли турмуш даражасини яхшилашга хизмат қилади.

## Қаранг, қандай бахт бу?!

8-mart, seshanba, 2022-yil.  
№10 (32704)

ЎЗБЕКИСТОН — ПОКИСТОН

## ДАРВОЗАДАН ДЕНГИЗГАЧА ЙЎЛ...

Покистон Ўзбекистон учун ишончли ҳамкордан стратегик ҳамкорга айланмоқда. Бу мамлакат Ўзбекистон Республикаси Мустақиллигини биринчилардан бўлиб, 1991 йилнинг 20 декабрда тан олгани эътиборга молик.

Покистон географик жиҳатдан жуда қулай маконда жойлашган Жанубий Осиё давлати. Жанубий чегаралари Араб денгизи ва Уммон кўрфазига туташиб кетади. Аҳолиси 225 миллиондан ортиқ, аҳоли сони жиҳатдан дунёда бешинчи ўринда турадиган йирик давлат. Тарихан Ипак йўли орқали Марказий Осиё давлатлари, хусусан, Ўзбекистон билан яқин ҳамкорликда бўлиб келган.

Ўзбекистон Республикаси Президенти Шавкат Мирзиёев Покистон Ислום Республикасида давлат ташири доминида Бош вазири Имрон Хон билан музокаралар ўтказди.

Тор доирада ташкил этилган учрашувда Покистон Бош вазири давлатимиз раҳбарини ташири билан кўтлаб, Ўзбекистон билан ҳамкорликни ривожлантириш Покистон учун устувор аҳамиятга эга эканини қайд этди.

Учрашувда асосий эътибор икки давлат ўртасидаги стратегик шерикликни мустаҳкамлаш, сиёсий, савдо-иқтисодий, инвестициявий ҳамкорликни ривожлантириш масалаларига қаратилди.

Кейинги йилларда алоқалар анча фаоллашди. Бундан ташқари, икки мамлакатнинг турдош вазирилик ва идоралари, ҳудудлар раҳбарлари доимий мулоқотда бўлиб, олий даражада эришилган келишувларни амалга

оширмоқда.

Ўзбекистон Президентининг ташрифи арафасида Ислוםободда Ҳукуматлараро комиссия йиғилиши, бизнес-форум, сиёсий маслаҳатлашувлар бўлиб ўтди.

Икки мамлакат ўртасида ўзаро савдо айирбошлаш ҳажми 2021 йилда 181 млн. долларга тенг бўлган. Умуман, сўнгги йилларда икки давлат ўртасидаги алоқалар янги босқичга кўтарилганини алоҳида таъкидлаш жоиз. 2022 йилнинг ўтган икки ойи давомида эса ўзаро савдо ҳажми ўтган йилдаги икки ойликка қараганда 70 фоизга ошган.

Бир сўз билан айтганда, давлатимиз раҳбарининг Покистонга ташрифи икки томонлама ҳамкорликни янада мустаҳкамлаш, сиёсий, савдо-иқтисодий, инвестициявий, маданий-гуманитар соҳалардаги шерикликнинг истиқболли йўналишларини белгилашда муҳим аҳамият касб этади. Ушбу ташриф ҳар икки мамлакатнинг ўзаро иқтисодий алоқаларни чуқурлаштириш, бизнес алоқаларини кенгайтириш, шунингдек, барча соҳаларда самарали шериклик учун мавжуд иқтисодий салоҳиятдан тўлиқ фойдаланишга бўлган қизиқишини яққол намоён этди.

Ўзбекистон Республикаси Президенти Шавкат Мирзиёев ва Покистон Ислום Республикаси Бош вазири Имрон Хон музокараларни икки мамлакат расмий делегациялари иштирокида давом эттирдилар.

Унда сиёсий, савдо-иқтисодий, инвестициявий, транспорт ва логистика, туризм, маданият соҳаларидаги ҳамкорликни ривожланти-

риш масалалари муҳокама қилинди.

– Қадимий Буюк ипак йўлида жойлашган Ўзбекистон ва Покистон халқларини азалдан умумий тарих, ўхшаш тил ва бой маънавий мерос боғлаб туради. Биз бугун бу кўхна аъналарни қайта тикляпмиз. Давлатлараро муносабатларимиз стратегик шериклик даражасига кўтарилганидан мамнунмиз, – деди Шавкат Мирзиёев.

Давлатимиз раҳбари яқин истиқболда ўзаро савдо ҳажмини 500 миллион доллар, келгусида эса 1 миллиард долларга чиқариш имконияти борлигини таъкидлаб, бу борадаги муҳим йўналишларни кўрсатиб ўтди.

Авалло, саноат соҳаларида кооперация дастурини, савдо айланмаси таркибини кенгайтириш бўйича "йўл харитаси"ни биргаликда ишлаб чиқиш зарурлиги қайд этилди.

Иккинчи муҳим йўналиш – мамлакатларимиз ва минтақаларимиз ўртасида мультимодал транспорт, юк ва ҳаво ташувлари бўйича ҳамкорликни кучайтириш. Яқинда Транзит ва савдо битими кучга кирди, мунтазам юк ташувлари учун асос яратилди.

– "Термиз – Мозори Шариф – Қобул – Пешовар" темир йўли бизнинг умумий келажакимиздир. Бу йўл битси, Покистонни Марказий Осиё билан боғлайдиган, Ўзбекистонни Карачи, Гвадар ва Қосим портларига олиб чиқадиган энг яқин, арзон ва хавфсиз йўлакни яратамиз. Бу темир йўл минтақаларимиз қиёфасини бутунлай ўзгартириб юборади, – дея таъкидлади давлатимиз раҳбари.

Музокарада ушбу лойиҳани янада

илгари суриш бўйича келишувга эришилди.

Доимий авиа қатновларни қайта тиклаш истиқболлари муҳокама қилинди.

Президентимиз зиёратларни тизимли ташкил этиш мақсадида қўшма гуруҳ тузиш, икки мамлакат Туризм вазириликларининг ваколатхоналарини очишни таклиф қилди.

– Уйлайманки, бугунги очик ва сермахсул мулоқотларимиз, имзоланадиган ҳужжатлар стратегик шериклигимизнинг янги истиқболли йўналишларини очади. Энг асосийси, биз – икки биродар бир-биримизни яхши тушунамиз. Биз қўйган катта марраларга эришиш учун Ҳукуматларимиз доимий мулоқотда бўлишари зарур, – деди Президентимиз.

Ислוםободдаги музокаралар якунида икки томонлама ҳужжатлар имзоланди.

Президент Шавкат Мирзиёев ва Бош вазири Имрон Хон икки давлат ўртасида стратегик шерикликнинг келгуси қадамлари тўғрисидаги Қўшма декларацияни имзоландилар.

Шунингдек, ҳукуматлар ва идоралар ўртасида имтиёзли савдо тўғрисида, атроф-муҳитни асраш, зиёрат туризми, темир йўл соҳаларидаги ҳамкорлик тўғрисида келишувлар, Сурхондарё вилояти билан Хайбер-Пахтунхва провинцияси, Тошкент шаҳри билан Ислוםобод шаҳри ўртасида шартномалар каби 10 га яқин ҳужжат имзоланди.

Бундан ташқари, ташриф арафасида ўтган бизнес форумда 800 миллион долларлик қўшма савдо ва инвестиция лойиҳаларини амалга ошириш бўйича келишувларга эришилган.

Президент Шавкат Мирзиёевнинг Покистонга давлат ташири ОАВ нигоҳида бўлди. Покистон оммавий ахборот воситаларида Ўзбекистонда амалга

оширилаётган кенг кўламли ислўхотлар алоҳида эътироф этилмоқда, Тошкент мавқеининг янада мустаҳкамланаётганига эътибор қаратилмоқда.

Жумладан, "Pakistan observer" нашрида Ўзбекистон ҳақида шундай таъриф берилган: "Ўзбекистон Марказий Осиёнинг "дарвозаси" ҳисобланади. У минтақа ва унинг чегараларида ижтимоий-иқтисодий, транспорт ва маданий-гуманитар соҳалар интеграциялашувига катта ҳисса қўшди".

Ақсарият Покистон ахборот ва янгиликлар онлайн порталлари Ўзбекистоннинг МДХ, Марказий ва Жанубий Осиё давлатлари учун нафақат ишбилармонлик маркази, балки инвестиция қиритиш, бизнес ва савдо учун жозибадор давлатга айланганини эътироф этишган.

Маҳаллий экспертлар, айниқса, икки давлат ўртасидаги тақдиримиз ҳамкорликни янги босқичга олиб чиқишда муҳим асос бўладиган Шавкат Мирзиёев ва Покистон Бош вазири Имрон Хон ўртасидаги ишонч ва дўстона муносабатларга алоҳида урғу беришмоқда.

Шунингдек, "Urdu Point" нашрида икки давлат ҳамкорлиги ҳақида шундай жумалар бор: "Томонлар давлат бошқаруви соҳасида тажриба алмаштириш учун катта имкониятларга эга. Жорий йилнинг 1 март кунини Ислוםободда Покистон ва Ўзбекистоннинг 100 нафарга яқин вакиллари иштирокида "Шавкат Мирзиёев: Янги Ўзбекистон стратегияси" китобининг тақдироти бўлиб ўтди. Китоб тақдироти рамзий маънога эга, чунки Президент Шавкат Мирзиёев ўз юртида ҳозир Покистонда амалга оширилаётган демократик ва ижтимоий кенг кўламли ислўхотларни амалга оширди".

**"Ўзбекистон овози" мухбири Аҳмад ҚУРБОНОВ тайёрлади.**



Рихси Иброҳимова. Бу исм жасур, қатъиятли, меҳрибон оналар, аёллар образини ёдимизга солади. "Шум бола", "Кечиккан ҳаёт", "Тубанлик" фильмларида маъсума онани, "Келинлар кўзғолони"да хокисор, сабрли аёлни, "Алишер Навоий"да Гули, "Ҳамлет"да Офелия, "Қирол Лир"да Корделия, "Бой ила хизматчи"да Жамилла, "Олтин девор"да Дилором, "Бир кошона сирлари"да Мехри ая, "Машраб"да Биби Салима, "Боши қотган ошиқлар"да Ҳури ая каби кўплаб ролларни театр сахналарида маҳорат билан ижро этган. Телеэкранларда кадрларимизга содик, диёнатли, маънавиятли оналар, аёллар ролида намоён бўлди. Бугун Рихси ая том маънода ўзбек оналарининг тисмолига ўхшайди. Сухбатлашсангиз, соатлаб ёнида қолиб кетасиз, яна гаплашсангиз, дейсиз. Ҳаётини фикрлари, тийрак нигоҳлари сизни бир зум ўйлашга, ўтаётган дамларни сарҳисоб қилишга ундайди.

– Шу ёшга кириб яхши кунларни ҳам кўрдик, оғир пайтларда ҳам яшадик. Мустақилликдан олдин синовли дамларни бошдан ўтказдик. Илгари дала шийпонларида, кўрмисиз биноларда маданий дастурлар намойиш қилган бўлсак, энди вилоятлар, олис ҳудудларнинг ҳам бир-биридан гўзал масканлари, кўнгличор жойлари кўпайган, туман-шаҳарлар, қишлоқларимиз янада чирой очган.

Жамиятда хотин-қизларнинг ўрни, қадри ҳам кундан-кун ортиб борапти. Аёлларга яратилётган шароитлар, берилаётган имтиёзлар эса уларнинг фаровон турмуш кечиришлариغا хизмат қилмоқда. Кам даромадли оила қизларининг контракт пулини тўлаш дейсизми, ишсиз аёлларга иссиқхоналар ташкил этиб, бандлиги таъминлашни учун берилаётган кредитлар, арзон уй-жойлар, субсидиялар, қўйингки, буларни узоқ давом эттириш мумкин. Мана кунини кеча ўтган видеоселектор йиғилишида ҳам Президентимиз хотин-қизларга яна қўшимча кўплаб имтиёзлар берилиши, уй-жой билан таъминлаш масалаларида қатор вазифаларни белгилади. Булар нима учун? Ҳаммаси биз аёллар учун, бизнинг муносиб шароитда яшашимиз учун.

– Шунга яраша аёлларимизда ҳам кайфият ўзгаряптими?..

– Кўп аёлларни кузатаман, уларнинг юз-кўзларига боқаман. Бугун уларнинг чеҳралари ёруғ, кўзлари табассумли. Илгари аёллар чарчаган, сўлгин, мақсадсиз бўлишарди. Бугун улар ҳаётдан миннатдор, мақсадлари катта, қадамлари дадил. Яхши шароитда инсон яхши ниятлар билан яшайди, фарзанд тарбия қилади, болаларига ҳам яхши ҳаёт бера олади. Авлод тарбиячилари бўлган оналарни ҳар қанча қадрласа арзийди. Буюк алломаларни дунёга келтирганлар ҳам оналардир. Машҳур спортчилар, кашфиётчилар, актёрлар дейсизми, барчасини аёллар, оналар

## АЁЛНИНГ ҲАР КУНИ БАЙРАМ БЎЛСИН

тарбия қилган, парваришлаган.

Бугун хотин-қизлар нафақат фарзанд тарбияси, рўзгор ташвишлари билан банд, балки улар жамият ҳаётида фаол иштирок этиб, барча соҳада ютуқларга эришиб келмоқда. Ҳатто аёл ҳокимлар, аёл спортчилар, аёл тадбиркорлар бизга у қадар янгилик бўлмай қолди. Уларнинг сони тобора ортиб бораётгани, албатта, қувонарли. Сенатимизнинг каттаси ҳам аёл киши. Бу хотин-қизларни ўйлантираётган масалалар ҳамиша ҳукумат эътиборида эканини кўрсатади.

Тўғри, айрим оммавий ахборот воситаларида баъзан хўрланган, зўравонлик ва таъиқларга учраган, оғир ҳаётда яшаётган хотин-қизларни ҳам учратамиз. Аммо уларнинг асл таг заминиди кўпинча ўз ҳақ-ҳуқуқини танимаслик, билимсизлик, ожизлик ётади. Ҳукуматимиз уларни ҳам ёлғизлатиб қўймаган. Бундай аёллар учун ордерлар ташкил қилинди, ҳатто унинг муддати узайтирилди. Ҳар бир ҳудудларда реабилитация марказлари ишлаб турибди. У ерда таъиққа учраган хотин-қизлар ҳаётга қайтишяпти, ўзларини ҳимоя қила олишлари учун куч топшияпти.

Она-бола саломатлиги ҳам эътиборда. Айниқса, ҳомиладор аёлларнинг скрининг кўригидан мунтазам ўтиб туриши натижада бугун ногирон болалар туғилишининг олди олинапти. Меҳрибонлик ўйларининг тугатилиб бораётганини-ку айтмай қўя қолай. Биласизми, оила бағри болалар учун катта бахт. Меҳрибонлик уйи болалари оилада меҳр олади, ота-она тарбиясини олади, урф-одатлар, аъналаримиз билан танишиб, маҳалла-қўйга аралашиб катта бўлади. Жамиятга ана шундай соғлом фикрли фарзандлар, кадрлар керак.

– **Аёл нимадан куч олади?**

– Аввало, оиласидан. Яқинларининг меҳри, гамхўрлиги, фарзандларининг бахти руҳлантиради, ҳаётдан мамнун яшашига сабаб бўлади. Санъат аҳлига эса халқнинг меҳри, эътирофи, мухлислиги, муҳаббати керак. Ижодий сафарларда кўп бўламиз, одамлар бизни ҳаммиса очик чеҳра, қувонч билан кутиб олишади. Театрга, ҳатто уйимга сиз билан кўришмоқчимиз, сухбатингизни олайлик, деб узоқ йўллар босиб, топганини кўтариб келишади. Қаранг, қандай бахт бу?! Мен булар учун фақат шукр қиламан, ўтаётган кунимиз, халқимиз садоқати, тинч юртимизга шукр қиламан.

Қолаверса, ҳукумат эътибори, эътирофи ҳам хотин-қизларни янада фаолликка чорлайди, соҳаларда эришилаётган ютуқларига туртки бўлади. Баҳорнинг биринчи ҳафтасидаёқ бир қатор фаол, дилбар аёллар давлат мукофотлари билан тақдирланди. Мана бу ҳақиқий куч, кўрсатилмаётган эътиборнинг юксак намунаси.

– **Байрам тилакларингиз...**

– Аёлнинг ҳар кунини байрам бўлсин. Ҳаётдан оладиган тўхталари, кўнглини кўтарадиган совғалари кўп бўлсин. Фарзанлари, оиласи бағрида бахтдан масрур яшасин доим. Яна бир истигим, ўзбек аёллари ўзбекона қадриятларни унутмасин, миллий аъналарни қадрласин, ёш қизларимизни ҳам шу руҳда тарбия қилайлик. Ҳар бир аёл миллат фаҳрига, ғурурига айлансин! Оналарнинг қўллари ҳаммиса дуода бўлсин. Тинч юртимизга, хотиржам кунларимизга кўз тегмасин.

**"Ўзбекистон овози" мухбири Гулрух ОДАШБОВЕВА сўхбатлашди.**



## ГУЛДАН ГЎЗАЛ АЁЛЛАРГА БАЙРАМ ТЎХТАЛАРИ УЛАШИЛМОҚДА

Табиат чирой очди. Янгиликлар, ёшариш фасли ўзининг илиқ нурлари, чечаклари билан ўлкамизга кириб келди. Дарахтлар гуллаган, майсалар бўй кўрсатган, атроф гўзаллашган. Эрталабдан озода шаҳар кўчаларидан юриб борар эканмиз, дилимиз равшанлашади, кунимизни яхши кайфият билан бошлаймиз. Йўл бўйи бизга шундай завқ улашиб йўл четлари, яшил ҳудудларни тозалаб юрган инсонларни учратамиз, аммо уларга бир оғиз борингизга шукр, раҳмат, деб миннатдорчилик билдириб ўтишни лозим топмаймиз ёки истиҳола қиламиз.

– 6 йилдан буён шу ишдаман, – дейди **Яккасарой туман ободонлаштириш бошқармаси ишчиси Раъно БЕРДИЕВА**. – Шаҳримиз, кўчаларимиз озодалигига жавобгармиз. Касбимни яхши кўраман. Эрта тонгдан атрофини тозаалаймиз, ўтган-кетганлар хурсанд бўлади. Баъзан раҳмат айтиб ўтишади, баъзан табассум билан ўтишади. Одамларнинг хурсанд кайфияти бизга куч беради, кун давомида яхши кайфият билан ишлашимизга туртки бўлади. Ҳамкасбарим билан опа-сингил, ака-укадекмиз, бирга тушлик қиламиз, байрамлар, тадбирлар уюштирамиз, тўйларга борамиз.

Кун давомида оилами, фарзандларим, оналарим, опа-сингилларимни ўйлаб ишлайман, яхши ниятлар қиламан. 5 нафар фарзандим, 7 неварам бор. Ишдан чарчаб борганимда келинларим кулиб кутиб олади. Чойим, ош-овқатим тайёр, набираларим билан кун кеч бўлганини билмай қоламиз.

– **Аёл учун энг яхши совға нима?**

– Гул, – дейди у табассум билан. – Ўзим табиат билан уйғун бўлганим сабаблими гуллари яхши кўраман. Уйда ҳам гул ўстираман. Байрамларда гул олиш ҳам ёқимли, албатта.

Яккасарой туман ободонлаштириш бошқармасида 200 нафарга яқин хотин-қиз фаолият юритади. Ҳар бирининг ўз қувончу ташвишлари бор. Шундай бўлса ҳам шаҳримиз озодалиги учун тонг саҳардан ишга отланишади. **Республика Маънавият ва маърифат маркази "Маърифат" тарғиботчилар жамияти** томонидан Раъно опа қаторида 200 нафар хотин-қизларнинг барчасига байрам совғалари ҳамда лола гули тақдим этилди. 8 март — Халқаро хотин-қизлар кунини арафасида ташкил этилган "Аёлга эътибор!" лойиҳаси доирасидаги мазкур тадбир уларга

кўтаринки кайфият бахш этди. Эл суйган санъаткорлар, "Маърифат" тарғиботчилар жамияти аъзолари ободонлаштириш ишлари олиб борилаётгани ҳудудларга бориб, ўша ернинг ўзида аёллар билан дилдан сўхбатлашишди. Байрам билан уларни чин қалбдан табриклашди, илиқ тилаклар билдиришди, совғалар улашди.

– Бир нарсани аниқ биламан, кўчада бирон-тангизни хафа кўрмадим, жаҳл билан ишлаётганингизни сезмадим, – дейди **Ўзбекистонда хизмат кўрсатган артист, "Маърифат" тарғиботчилар жамияти аъзоси Меҳмонали Салимов**. – Доим яхши кайфиятда меҳнат қиламиз. Аслида ҳаётнинг мазмуни ҳам, завқи ҳам шунда: меҳр билан ишлаш. Ҳақиқий байрам эгалари сизсизлар. Аёллар бор ҳовлимиз, ўйларимиз, либосимиз, кўчаларимиз тоза, озода. Улар ҳаммиса эътиборимизда, ардоғимизда. Кунини кеча давлатимиз раҳбари ҳам видеоселектор йиғилишида сизларни янада кўллаб-қувватлашга қаратилган вазифаларни белгилаб беради. Янги ўқув йилидан бошлаб қизларга илк маротаба 7 йил мuddатга физсиз кредит бериш, эхтиёжманд оила вакиллари, ота ёки онасини йўқотган талаба қизларнинг таълим контрактини эса маҳаллий бюджетдан тўлаб бериш амалиёти жорий этилиши ана шу гамхўрликнинг яна бир намунасидадир. Истаймизки, доим меҳр-муҳаббатимиз, эътиборимизни ҳис қилиб яшанг, кулиб юринг, бахтингиздан қувониб юринг!

– **Узингизни бахтлиман, деб ҳисоблайсизми?..**

– Албатта, бахтлиман, – дейди **туман ободонлаштириш бошқармаси бош ҳисобчиси Гулчеҳра Гаипова**. – Биринчи навбатда оилам, фарзандларим энг катта бахтим. Қолаверса, юртимиз тинч, турмушимиз яхши, эрталаб хотиржам уйғонамиз, яхши кайфиятда ишга келамиз. Мана шуларнинг ўзи яна бир бахт-ку. Фарзандларим, келинларим, набираларим ёнимда. Ҳаётимда бир аёлга нима керак бўлса, ҳаммаси бор. Кунимга, бахтимга шукр қиламан.

**Чиндан ҳам аёлга нима керак? Унга аввало, меҳр-эътибор, қолаверса, ширин сўз, гамхўрлик керак. Истаймизки, юртимизнинг ҳар бир аёли шунини ҳис қилиб яшасинлар.**

**Гулрух ОДАШБОВЕВА, "Ўзбекистон овози" мухбири.**

8-mart, seshanba, 2022-yil.  
№10 (32704)

# ЯПОНЛАР ДЕК ОЙЛИК ОЛИШНИ ИСТАЙСИЗМИ?

АХБОРОТ ВА ОММАВИЙ КОММУНИКАЦИЯЛАР АГЕНТЛИГИДА БАНДИК ВА МЕХНАТ МУНОСАБАТЛАРИ ВАЗИРЛИГИ ҲАМДА ЯПОН ТИЛИ ВА МАХСУС МАЛАКА ТЕСТ МАРКАЗИ РАҲБАРЛАРИ ИШТИРОКИДА МАТБУОТ АНЖУМАНИ ЎТКАЗИЛДИ. УНДА ЯПОНИЯ МЕХНАТ БОЗОРИ ИМКОНИЯТЛАРИ, ҲАМКОРЛИК АЛОҚАЛАРИНИ РИВОЖЛАНТИРИШ МАСАЛАЛАРИ ҲАҚИДА МАЪЛУМОТ БЕРИЛДИ.



2019 йилда Президентимизнинг Японияга ташири доирасида Ўзбекистон Республикаси Бандлик ва меҳнат муносабатлари вазирлиги ҳамда Япониянинг қатор вазирликлари ўртасида ҳамкорлик меморандуми имзолангани, унга асосан икки давлат "махсус малакали ишчилар" мақомига эга бўлган хорижий меҳнат ресурсларини ишга қабул қилиш тизими жорий қилингани қайд этилди.

– Бугунги кунгача дунёдаги фақат 9 та давлатнинг малакали ишчилари Японияда фаолият юритувчи корхоналарда ишлаши мумкин эди, – дейди **Ташқи меҳнат миграцияси агентлиги бошлигининг биринчи ўринбосари Афзал Ирмақов**. – Эндликда республикамиз фуқароларига ҳам кунчиқар мамлакатда меҳнат қилиш имконияти яратилди. Яъни, бизнинг юртимизни Япония 10-давлат сифатида рўйхатига киритди. Меморандум шартларига кўра, юборилаётган мутахассислар япон тилини билиш даражаси бўйича имтиҳон синовларидан ва эгаллаган мутахассисликлари бўйича амалиёт имтиҳонидан ўтиб, 5 йилдан 10 йилгача бўлган муддатда келишув асосида ўзлари танлаган корхонада фаолият олиб боришлари, келишилган ҳолда иш жойини алмаштиришлари, шу билан бирга, Япония фуқаролари билан бир хил меҳнат шароитлари ва ижтимоий

ҳимояланган ҳолда фаолият кўрсатиши мумкин бўлади. Мазкур келишув доирасида фуқароларимиз 14 турдаги соҳада фаолият юритиши мумкин.

Айнан қайсилар?...  
– Кўпчилики Японияда ишлаш имконини берувчи "махсус малакали ишчи резидентлиги" нима ва уни (виза) қандай олиш мумкин, деган савол қизиқтириши табиий, – дейди **Япон тили ва касбий малака тестга тайёрлов маркази директори Дилафруз Икромов**. – Япония ҳукумати томонидан 2019 йилнинг апрель ойида "Махсус малакали ишчи (ММИ)", деб номланувчи янги резидентлик мақоми жорий қилинган. Унга мувофиқ, 2025 йилга қадар Япония ҳукумати жами 325 минг нафар чет эллик махсус малакали ишчиларни жалб қилишни режа қилган. Мазкур дастурда Ўзбекистон фуқаролари ҳам иштрок этиши мумкин. Ушбу махсус малакали ишчи резидентлик мақоми олиш учун фуқаролар аввало, япон тили ва ўзлари танлаган касбларидан махсус тестдан ўтишлари керак бўлади. Мазкур тестлар илк бор жорий йилнинг 9-19 март кунлари Тошкент шаҳрида ўтказилади. Энди мазкур тестлар бир йилда 6 марта мунтазам равишда мамлакатимизда ўтказилади.

Шунингдек, тадбирда махсус малакали ишчи сертификатига эга бўлган мигрант

5 йилдан 10 йилгача Японияда ишлаб, 5 йилдан сўнг оиласини ҳам олиб кетиш ҳуқуқига эга бўлиши, уларнинг фарзандлари япон мактабларида бепул ўқиш имкониятига эга эканлиги ҳам таъкидланди.

Анжуманда журналистларни қизиқтирган саволларга жавоб берилди.

**– Тестларга тайёрланиш учун қаерга ва кимга мурожаат қилиш керак?**

– Бугунги кунда махсус малака тестларига тайёрланиш учун республикамизнинг барча «Ишга марҳамат» мономарказларидаги «Япон тили ва касбий малака тестга тайёрлов марказлари»да япониялик мутахассислар ёрдамида 4 ойлик ўқишлар ташкил этилган. Тайёрлов курсларининг навбатдаги қабули ҳозир ҳам давом этмоқда. Мазкур марказларда таълим олиш учун фуқаролар, аввало, Ташқи меҳнат миграцияси агентлигининг «labormigration» дастуридан рўйхатдан ўтади. Кейин вазирликнинг ҳудудий Бандликка кўмаклашиш марказларига мурожаат қилиб, «Япон тили ва касбий малакага ўқиш учун», деган махсус йўлланмасини олади ҳамда уни Япон тили ва касбий малака маркази ходимларига тақдим этгач, тил ўрганишни бошлайди.

**– Махсус малакали ишчи резиденти сифатида Японияда ишлайдиган чет эллик ишчига бериладиган имкониятлар қандай?**

– Фуқаро ишсиз бўлган тақдирда ўқиш харажатлари бандлик жамғармаси томонидан қоплаб берилади. Қолаверса, тестдан муваффақиятли ўтган номзодларнинг тест харажатлари қайтарилади. Бундан ташқари, иш берувчи билан шартнома қилинган тақдирда йўлқари харажатлари иш берувчи томонидан юз фоиз қоплаб берилиши кўзда тутилган. Шунингдек, улар ишларини алмаштириш имкониятига ҳам эгадирлар. Эътиборли жиҳати, Японияда меҳнат фаолияти давомида ойлик маошлари япон фуқароларига белгиланган ставка асосида белгиланиши билан бирга, улар табиий ва ижтимоий сўғурта, нафақа билан таъминланади. Мигрантлар мамлакатларига қайтиш олдидан ойлик ҳисобидан ечиб олинган нафақа суммасини ҳам қайтариш имконига эга бўлади.

Махсус малака тестларига тайёрланиш истаган фуқаролар "Ишга марҳамат мономарказлари"га ёки Бандликка кўмаклашиш марказлари, шунингдек, Ташқи меҳнат миграцияси агентлигининг ҳудудий филиалларига мурожаат қилиши мумкин.

**Таштемир ХУДОЙҚУЛОВ,**  
**"Ўзбекистон овози" муҳбири.**



**Қаерларда ҳашарлар ўтказиш тақиқланади?**

Қонунчиликка кўра, қуйидаги жойларда ҳашарлар ва бошқа ишларни ўтказиш тақиқланади:

- автомобиль йўлларида;
- ҳаракатланиш тизим бўлган кўчаларда;
- сув объектлари, қирғоқбўйи ҳудудлар ва зоналарда;
- қурилиш майдонларида;
- бино ва иншоотлар томларида;
- ҳавфли ишлаб чиқариш объектларида;
- инсонларнинг ҳаётига ёки соғлиғига ҳавф туғилиши юзага келиши мумкин бўлган бошқа жойларда.

[t.me/huquqiyaxborot](http://t.me/huquqiyaxborot)

## ИНСОН ҚАДРИНИНГ АМАЛИЙ ИФОДАСИ



2022-yil – Inson qadriini ulug'lash va faol mahalla yili



2022 – Year of Ensuring Human Interests and Mahalla Development  
2022 – Год обеспечения интересов человека и развития махаллы

Мамлакатимизда "Инсон қадрини улуг'лаш ва фол маҳалла йили"да эркин фуқаролик жамиятини ривожлантириш орқали халқпарвар давлат барпо этиш, инсон кадр-қиммати ва унинг қонуний манфаатларини таъминлаш "Демократлаштириш ва инсон ҳуқуқлари" журналі 2022 йил 1-сонининг бош мавзусига айланган. Бу ҳақда Маҳалла ва нурунийларни қўллаб-қувватлаш вазирининг биринчи ўринбосари Содикжон Турдиев, Республика Маънавият ва маърифат маркази ҳузурдаги Ижтимоий-маънавий тадқиқотлар институтининг бўлим бошлиғи Мансур Мусаев, Тошкент давлат транспорт университетининг профессори Жуманиёз Раматовнинг мақолаларида сўз боради.

Ўзбекистон Республикаси Олий Мажлиси Қонунчилик палатаси Спикерининг биринчи ўринбосари Акмал Саидов, академик Қаландар Абдурахмоновнинг илмий мақолаларида Харажатлар стратегиясидан Тараққиёт стратегиясига ўтишининг устувор йўналишларининг мақсадлари кенг очиб берилган.

Журналда, шунингдек, Россия Федерацияси Инсон ҳуқуқлари бўйича вакилининг масъул ходими Михаил Виноградов, Республика Маънавият ва маърифат маркази ҳузурдаги Ижтимоий-маънавий тадқиқотлар институти директори ўринбосари Мунира Қаҳҳорова, Жиззах вилояти "Истиқбол" минақвий тадқиқот маркази директори Акбар Сайтқосимов ва бошқаларнинг инсон ҳуқуқлари соҳасида амалга оширилаётган ислохотлар, коррупцияга қарши курашишда давлат сиёсатининг устувор йўналишлари ва жамоатчилик назорати ҳамда бошқа мавзулардаги илмий мақолалари эълон қилинган.

**Ўз муҳбиримиз.**

### ЭЪЛОН

**Ўзбекистон ХДП Шайхонтоҳур туман кенгаши биносининг том қисмини жорий таъмирлаш юзасидан танлов эълон қилади.**

1. Танлов иштирокчилари смета ҳужжатлари билан танишиб чиққан ҳолда ўз тақлифларини билдиришлари лозим.
2. Танлов комиссияси ишчи органининг манзили ва телефони:  
Тошкент шаҳар, Навоий кўчаси, 14-уй.  
Тел: (71) 276-95-94.
3. Иштирокчилар танлов шартлари бўйича қўшимча маълумотларни олиш учун юқоридаги манзил ёки телефон орқали мурожаат қилишлари мумкин.
4. Тижорат тақлифлари жорий йилнинг 15 март куни соат 17:00 га қадар қабул қилинади.

### ЧЕТ ЭЛГА ИШГА ЖОЙЛАШТИРИШ БИЛАН БОҒЛИҚ ЭСЛАТМАЛАР

Хорижий давлатга ишлаш учун:

- Ташқи меҳнат миграцияси агентлиги орқали
  - Хусусий бандлик агентликлари орқали
  - Ўзи мустақил равишда кетиш мумкин
- Хусусий бандлик агентлиги** – иш қидираётганларга иш танлаш ва ишга жойлашиш, иш берувчилар учун кадрлар танлаш бўйича хизматлар кўрсатувчи тижорат ташкилотидир

Айрим ҳолларда лицензияга эга бўлмаган "тадбиркорлик субъектлари" томонидан фуқароларни хорижий давлатга ишга жойлаштириш бўйича ноқонуний тақлиф қилиш ва алдаб кетиш ҳолатлари кузатишмоқда

Булар асосан қуйидаги кўринишларда содир этилапти:

- лицензияга эга бўлмасда-да чет элга ишга юборишни ваъда қилиш
- ваъда қилинаётган хизматга амалда мос келмайдиган шартнома тузиш
- шартномада кўрсатилганидан ортиқча ҳақ ундириш

Хусусий бандлик агентликлари ишга жойлаштириш соҳасидаги ахборот ва масала ҳизматларини **шартнома асосида** кўрсатади

Бунда хизмат қиймати **БҲМнинг 1 баравари (270 минг сўм)дан** ошмаслиги керак

Хусусий бандлик агентликлари фуқароларни хорижий давлатга ишга жойлаштириш бўйича хизматларни **лицензия асосида** амалга оширади

#### Эслатма!

- Чет элга ишга жойлаштиришни ваъда қилаётган шахсларнинг тегишли **лицензияга эга эканлигини аниқлаш**
- Шартномани имзолашдан олдин унинг **мазмуни билан ахшиллаб таншиши** ва қайси хизмат учун ҳақ тўлаётганлигини аниқлаб олиш
- Шартномада кўрсатилганидан **ортиқча ҳақ тўламаш**
- Тақлиф қилинаётган хизмат ва шартнома мазмуни ўзаро мос келмас, **уни имзолашдан воз кечинг**

Чет элга ишга жойлаштириш билан боғлиқ фирибгарликлардан оғох бўлинг!

### ЎҚИНГ, ҚИЗИҚ!

# 30 МЕТРЛИК ГИЛАМ

Бойсун – улуг' ўтмиши ва ноёб меъморий ёдгорликлари билан машҳур. Ҳусункор табиати ва ажойиб иқлими билан ном қозонган. Жойларда хунармандчилик, қосибчилик, темирчилик ва бешиқсозлик билан бир қаторда, каштачилик, зардўзлик, гилам тўқиш каби соҳалар ҳам қадр топмоқда.

Яқинда тоғли маконда 30 метрли йирик гилам тўқилгани ҳақидаги шов-шув тарқалди. Бунга кимдир ишонган бўлса, бошқалар қўл силтаб қўя қолди. Биз ҳам иккиланган ҳолда, қолаверса, қизиқиш устунлик қилиб, сир синопатлар мужасам манзил томон йўл олдик. – Ота-боболаримиз гиламдўз бўлишган, – дейди **"Хунармандлар" маҳалласида яшовчи Мафтунна Авазова**. – Мен олтинчи авлод вакилиман. Улкан гиламнинг асоси, яъни 25 метри бундан 4-5 йилча аввал тайёр бўлган. Ҳанда

(2016 йили) Фарғонада халқаро фестивал ўтказилганди. Анжуманда ЮНЕСКОдан келган меҳмонлар билан учрашдим. Улар Сурхондарёда туя жунидан гилам тўқилгани ҳақида гапириб беришди. Изланишлар самараси ўларок, тўрт-беш ойда 25 метрли "Оқ эн" тайёр бўлди.

Орадан икки йил ўтгандан кейин яна Фарғонага бордим. Бетакрор ва ноёб гилам дунёнинг ўнлаб давлатларидан келган юзлаб меҳмон сайёҳларга манзур бўлди. Қизиқувчилар кўпайиб, ошуфталар сони кескин ортди. Фестиваль якунида ЮНЕСКОнинг махсус сертификатига эга бўлдим.

**– Ўттиз метрли "гигант" гиламни яратишга нима сабаб бўлди?**

– Шу кунга қадар ўндан ортиқ давлатда бўлганман. Хорижий ҳамкасблар билан мунтазам тажриба алмашамиз. Ҳ-

ган йилнинг куз ойларида жаҳонда 25 метрли гилам (қўлда тўқилгани) йўқлиги маълум бўлди. Бундан руҳланган ҳолда аввалги натижа – 25 метрли яна яхшилашга киришдик. Хуллас, узунлиги 30 метр, эни 2 метру 60 сантиметр, оғирлиги эса 60 килоли "Оқ эн" тайёрланди. Унга 55 килога яқин туя жуни, 3-4 кило табиий буюк ва зарур ип сарфланди. Матода кўчкор шохи, сирғагул ва турфа нақшлар акс этган.

**– Орзуларингиз...**

– Аввало, "Бойсун бренди"ни Гиннеснинг рекордлар китобига киритиш. Қолаверса, хорижга экспорт қилиш ниятимиз ҳам йўқ эмас. Бунинг учун эса вақт ва маблағ керак.

**– Жун гиламнинг афзаллиги нимада?**

– Биринчидан, иссиқни узоқ вақт яши сақлайди. Иккинчидан, электр қувватини ўтказ-



майди. Табиий маҳсулотдан тайёрлангани учун ҳашаротларни йўқ қилади. Энг муҳими, соғлиқ учун ниҳоятда фойдали...

**– Агар харидор чиқса...**

– Сотиш ниятимиз йўқ. Агар буюртма берилса, албатта, истиалган шакл ва хоҳлаган ўлчамда тайёрлаб берамиз. Фақат ярим йилча куттиш керак...

**– Дунёга донғи кетган "Оқ эн"ни тўқишдан қўзланган мақсад нима?**

– Бўлажак "Бойсун баҳори"да мафтункор гилам минглаб меҳмонларга манзур бўлиб, уларни маҳлиё қилса бас...

**Абдумалик ҲАЙДАРОВ,**  
**"Ўзбекистон овози" муҳбири.**

Қалбингизнинг туб-тубида бизга аталган меҳр ва муҳаббат борлигини ҳис қиламиз.

DIL SO'ZI

8-mart, seshanba, 2022-yil.  
№10 (32704)

Ўзбек аёлига кўп нарса керак эмас, деган одам ҳақ гапни айтган бўлади. Ҳаётида бир марта бўлса ҳам қишлоққа борган киши бунга яхши тушунади. Ҳар тонг хўроқ қичқирмасдан уйғонади қишлоқ аёли. Тонг ёришмасдан ҳовлисини супириб-сидириб, кўчаларга сувларни сепиб, сигир соғишга ҳам улгуради. Унинг кейинги манзили ошхонаси. Бориға шукр, йўғига сабр, деб нонушта тайёрлайди. Бўлса, тухум, колбаса, бўлмаса, қаймоқ, оққанд билан дастурхон ёзади. Мавсумига қараб, ҳовлидаги мевалардан ёки ёзда тайёрлаган олча, анжир мураббони ҳам унутмайди.

Дастурхон атрофига ҳаммадан охири келиб, биринчи туриб кетадиган ҳам ўзбек хонадонининг келини, онаси, опаси ёки синглиси бўлади. Чунки ҳали замон кимдир ўқишга, яна бири ишга, жуда бўлмаганда далага отланади. Уларнинг ҳар бирига керакли нарсаларни тутқазиб, боласига яхши, одобли бўлишни тайинлаш, турмуш ўртоғи ёки дадасининг оёқ кийимини артиш, далага кетаётганларга нон ва бошқа нарсаларни ҳозирлаб бериш. Кейин қориб қўйган хамирига қарайди, нон ёпади, кир ювади, мол-ҳолларига қарайди. Тушликка овқат қилиш, томорқанинг ўтини юлиш, тикиш-бичиш ва ҳоказо билан қош қораяди. Қишлоқ аёли яна бир кунни тинч-хотиржам, болаларининг қорни тўқ, усти бутлигидан мамнун. Эртанги юмушларини хаёлидан ўтказганча уйкуга кетади, орзу қилишга вақти ҳам йўқ.

Кўпчилик шаҳардаги аёлларга ёки ишлаётганларга ҳавас қилади. Аслида ишли аёлга ҳам осон эмас. У ҳам оила, ҳам ишнинг уддасидан чиқши лозим.

Аёллар ҳафта давомида бирор-бир ташкилотнинг вазифаларини бажаради, эрталабдан кечгача эркаклар билан елкама-елка иш-

## ОРЗУ ҚИЛИШНИ ЭМАС, УНГА ЭРИШИШНИ ЎРГАНАМИЗ

лайди. Кези келганда тушликни ҳам унутиб қўяди. Сабаби 5-10 дақиқа бўлса ҳам, уйга эртароқ бориш. Йўл-йўлакай бир боласини боғчадан, яна бирини мактабдан ёки қаровчисидан олиши керак. Агар омади келса, дўкондан майда-чуйда олишига тўғри келмайди. Бўлмаса, уни ҳам бажариб, тезда ошхонадаги "жонажон жойи"ни эгаллаши керак. Қозон тагиға ўт ёқади, бир томондан картошка ва пиез артса, бошқа ёқда салат учун ҳозирлик. Хуллас, бир неча соатнинг ичида камида ярим кунлик ишни бажариши керак. Айтганча, буларнинг орасида фарзандларининг қорнини "алдаб туриш"и, уларнинг саволларига жавоб бериши, кун билан бўлган воқеалар ҳақидаги ҳикояларига қулоқ тутиши, туваги ва яна қатор "арзиманган" юмушларни қилиш мажбурияти бор. Овқат пишгунига қадар эса жуда ҳам зарур бўлган кирларни ювиш, гулларга сув қўйиш, болаларининг оёқ кийимларини тозалаш, кийимларини йиғиш каби "кўзга кўринмас" ишлар қилинади. Кечки овқатдан сўнг, идиш-товуқларни йиғиб олиш, ювиш, болалар билан уйга вазифаларни бажариш, жойларини қилиш, "чарчаб келган" оталарини безовта қилмасликларини учун уларни тинч олиб ўтириш ва ниҳоят ухлатиш. Аёлининг бир кунни ана шундай ўтади. Бирор-бир ташкилотда ишламайдиган хотин-қизлар ҳам кун билан тиним билмайди.

Шу кунларда барча хотин-қизларнинг юзида табассум кўрасиз. Истайсизми, йўқ-

ми ҳаммада байрам кайфияти. Чунки баҳор келгандан бошлаб, барча аёллар кунига ҳозирланади. Жамоадаги эркаклар пичирлашиб, режалар тузади. Хотин-қизларнинг кайфиятини кўтариш, уларни хурсанд қилишга уринади. Кимдир сўз билан, яна кимдир гул билан. Асосийси, эътибор ва эҳтиром.

Бу йил эса қайси аёл билан гаплашмай, баҳор бошқача бошланганини таъкидлайди. Кўкларнинг илк кундаёқ давлат раҳбарининг хотин-қизлар масалаларига бағишланган видеоселектор йиғилиши ва унда белгиланган қатор топшириқлар ҳар бир опа-синглимизга катта мукофот бўлди. Эртанги кунга бўлган умид ўрнини ишончга бўшатиб бергандек гўё.

Аслида ҳам шундай. Нега дейсизми? Президент таъкидлаган топшириқларнинг амалиётга жорий этилиши минглаб хотин-қизларнинг мушкулларини осон қилади. Ҳаётига нур олиб киради. Бу ҳақда бир ҳафтадан буён ҳамма бот-бот такрорламоқда. Қарашлар, фикрлар турфа. Лекин барчасининг замирида аёлга, онага бўлган эътибордан мамнунлик, шукроналик кайфияти мужассам.

Президентимизнинг кўрсатган ташаббуси бизнинг жамоани ҳам четлаб ўтмади. Бу сафар бир оғиз ширин сўз билан кечадиган кутловлар бир неча кунлик байрамга айланди. Ҳар кун қайсидир ҳамкасбимиз қўлида совға, қалбида меҳр, кўзларида ҳурмат билан қаршимизга келяпти. Бахтли аёл ҳақида шеърлар, шаънимизга айтилган гўзал эъти-

роф... Кутилмаган, бироқ доим исталгандек байрам. Биз эса худди мактаб ўқувчисидек ҳаяжон билан совғаларни қабул қилиб оляемиз.

Бир неча кундан бери ҳавонинг авзойи бузуқ. Осмон ҳам қовоқ уйган. Ундан тўкилаётган томчилар, эркакларнинг меҳри, севгиси бўлса, ажаб эмас... Майли, 9 мартдан ҳаво очилиб кетади, деб ҳазил қиламиз. Ижтимоий тармоқларда ҳам 8 март билан билан боғлиқ турли ҳазиллар авж олди.

Азиз эркаклар, унутмангки, аёллар сиз уларни қанчалар севишингизни, қадрлашингизни, пинҳона раҳ қилишингизни ҳам яхши билади. Ёгаётган ёмғир эса опа-сингилларимизнинг қувончларига, уларнинг бахтига шерик бўлишни истаган қизганчқ томчилар, холос.

Биламиз, давлат раҳбаридан бошлаб, барча эркаклар хотин-қизларнинг, яъни бизнинг бахтимиз, қувончимиз учун елиб-югурасиз. Тилингизда айта олмасангизда, қалбингизнинг туб-тубида бизга аталган меҳр ва муҳаббат борлигини ҳис қиламиз. Энди тунлари эртанги кун ташвишлари билан эмас, ширин орзулар билан уйкуга кетамиз. Ишонимизки, ширин ташвишлар билан кечадиган у кунларни кўп кутмаймиз. Орзу қилишни ўрганмаймиз, орзу қиламиз ва унга эришишни ўрганамиз.

Зилола АНВАР ҚИЗИ.

РЕКЛАМА ЎРНИДА

# НАМАНГАН БУНЁДКОРЛАРИ

МАМЛАКАТИМИЗНИНГ ҚУРИЛИШ СОҲАСИ РИВОЖИГА МУНОСИБ ҲИССА ҚЎШИБ КЕЛАЁТГАН ТАШКИЛОТЛАР КЎП. БИЗ УЛАРНИ ЎЗ МЕҲНАТИ БИЛАН ШАҲАР ВА ҚИШЛОҚЛАРИМИЗДА, БУТУН ЮРТИМИЗДА ЯНГИ ИШЛАБ ЧИҚАРИШ КОРХОНАЛАРИ, МУҲИМ ИЖТИМОЙ ОБЪЕКТЛАР, МУҲТАШАМ УЙ-ЖОЙЛАР, ЙЎЛ ВА КЎПРИКЛАР БАРПО ЭТИБ, ҲАЁТИМИЗНИ ЯНАДА ОБОД, ГЎЗАЛ ВА ТАРОВАТЛИ ҚИЛИШ ЙЎЛИДА ФИДОКОРОНА МЕҲНАТ ҚИЛИБ КЕЛАЁТГАН ОЛИЖАНОБ КАСБ ЭГАЛАРИ СИФАТИДА КЎРАМИЗ.



Наманган вилоятида ҳам кўп йиллик тажрибага эга бўлган пудратчи ташкилотлар бунёдкорлик йўналишида фаолият кўламини янада кенгайтирмоқда. Бутун юртимизни қамраб олган ана шундай салмоқли ишларда, арзон уй-жойларни барпо этишда, профессионал малакаси, билими ва тажрибаси, юксак маҳорати билан намуна кўрсатаётган "Исмоил, Ислон қурилиш" МЧЖ ҳамда "Истиклол жавоҳири" хусусий корхонаси Наманган вилоятининг номдор қурувчи ташкилотларидан.

Биргина мисол, "Исмоил, Ислон қурилиш" МЧЖ раҳбари Шухрат Абдуллаев кўп йиллардан буён қурилиш соҳасида катта тажриба орттирган салоҳиятли вакиллардан. Унинг корхонаси қошида қурилиш материалларининг кенг турдаги ассортиментлари ишлаб чиқарилади ва қурилиш объектларига етказиб берилади. Бу эса ўз навбатида иқтисодиётнинг барқарор ривожланишига ижобий самарасини.

Шухрат Абдуллаев ўтган ва жорий йилларда халқимизнинг ҳаёт сифати ва даражасини ошириш мақсадида Наманган вилояти "Қишлоқ қурилиш инвестиция инжиниринг компанияси" МЧЖ буюртмасига асосан Янгиқўрғон тумани "Обод" массивида 4 қаватли 24 хонадонли, "Водий" массивида 5 қаватли 2 та 30 хонадонли, жорий йилда эса шу туманда 5 қаватли 30 хонадонли арзон турар жой биноси, Наманган шаҳар "Оромгоҳ" массивида ҳарбий қисм тасарруфидаги "

Илмий метрология маркази"ни қуриб битказди. Бу эса ўз навбатида туман аҳолиси учун муносиб совға бўлди.

Шуни алоҳида таъкидлаш лозимки, иқтисодиётимизда амалга оширилаётган туб ислохотлар, ижтимоий ҳаётимиздаги улкан ўзгаришлар, жумладан, "Обод қишлоқ", "Обод маҳалла" дастурлари доирасида белгилаб олган вазифаларимиз соҳа ривожини мутлақо янги тарзда, замонавий илм-фан ва инновация ютуқлари асосида ташкил этишни талаб этмоқда. Ушбу жараёнларни инobatга олиб "Истиклол жавоҳири" хусусий корхонасида ҳам қурилиш ишлари қизғин. Корхона Ислон Таирбоев бошчилигида 2009 йилда ташкил этилган. Ҳозирда Ислон Таирбоев номи маҳоратли ва интеллектуал қурувчи номи билан абадилаштирилган. Унинг фарзанди Толибжон Таирбоев ва иш бошқарувчи Баҳодир Инамов соҳага янги

шаҳарсозлик дизайни ва инновацион технологияларни жорий этиш мақсадида тинимсиз изланишдалар. Соҳа вакиллари томонидан ҳар йили Наманган шаҳрининг жуда кўп кўзга кўринарли жойларида кўплаб замонавий кўринишдаги бинолар барпо этиб келинади. Хусусан, ўтган йилларда фойдаланишга топширилган Президент резеденсияси, Вилоят иқтисодиёт ва камбағалликка қарши курашиш бош бошқармаси, Марказий банк, Мономарказ бинолар шулар жумласидандир. 2021 йилда кам таъминланган оилалар учун Янгиқўрғон туманида қуриб битказилган 5 қаватли 20 хонадонли 2 ва 3 хонали намунавий турар жой биноси аҳоли учун гўзал тўхфа бўлди.

Ҳар икки қурилиш корхонаси раҳбарлари олиб бораётган эзгу ишлар таҳсинга лойиқ. Хизмат соҳасида амалга оширилаётган эзгу мақсадлар ҳақида гапирганда, аҳоли пункт-

ларини қуришда комплекс ёндашув асосида уй-жой, турли бино ва иншоотлар билан бирга ҳудудларда ижтимоий инфратузилма объектлари, савдо ва хизмат кўрсатиш шохобчалари, таълим, тиббиёт ва маданият муассасалари, янги истироҳат боғлари ва хиёбонлар, фавворалар, болалар майдончалари ҳамда спорт масканлари бунёд этилаётганини мамнуният билан таъкидлаш лозим.

Ишонимизки, қўли гул, азму шижоатли қурувчиларимиз бор билим ва тажрибаси, куч ҳамда имкониятларини сафарбар этиб, бунёдкорлик ишларини шараф билан давом эттирадилар.

Юртимиз ободлиги, халқимиз фаровонлиги йўлида олиб бораётган хайрли ишларингизда доимо ютуқ ва муваффақиятлар ёр бўлсин!

Дилдора СУЛТОНОВА,  
журналист.

## Байрамингиз билан табриклаймиз!

8-mart, seshanba, 2022-yil.  
№10 (32704)

## САМАРҚАНД «DORI-DARMON»

акциядорлик жамияти жамоаси

муҳтарама онажонларимизни, мунис опа-сингилларимизни, шунингдек, «Дори-дармон» ва соғлиқни сақлаш соҳасида меҳнат қилиб келаётган аёлларимизни 8 март – Халқаро хотин-қизлар куни байрами билан самимий муборакбод этади!



## «HUDUDIY ELEKTR TARMOQLARI»

акциядорлик жамияти жамоаси

юртимиздаги барча аёлларни, меҳрибон оналаримиз, дилбар опа-сингилларимиз, лобар ва гўзал қизларимизни 8 март – Халқаро хотин-қизлар куни билан муборакбод этади! Бутун борлиқ яшариб, еру кўкда буюк мўъжизалар содир бўладиган кўклам нафаси уфуриб турган шу кунлардаги қувонч йил бўйи ҳамроҳингиз бўлсин!



## O'zbekiston ovozi

МУАССИС:

O'ZBEKISTON  
XALQ DEMOKRATIK  
PARTIYASI  
MARKAZIY KENGASHI

TAHRIR HAY'ATI:

Ulug'bek INOYATOV  
Ulug'bek VAFOYEV  
Maqsuda VORISOVA  
Qalandar ABDURAHMONOV  
Guliston ANNAQILICHEVA  
Muslihidin MUHIDDINOV  
Hayotxon ORTIQBOYEVA  
Shuhrat ISLOMOV  
Toshtemir XUDOYQULOV

Bosh muharrir: To'liqin TO'RAXONOV

MANZILIMIZ: 100135, Toshkent, Bunyodkor shoh ko'chasi, 50 «A»-uy.

Телефонлар: (71) 276-10-91, (71) 276-20-67.

E-mail: uzbovozi@mail.ru

Gazeta O'zbekiston Matbuot va axborot agentligida 0006-raqam bilan 2007-yil 11-yanvarda ro'yxatga olingan.

«Sharq» nashriyot-matbaa aksiyadorlik kompaniyasi boshmaxonasida chop etildi.  
Korxonaning manzili: Buyuk Turon ko'chasi, 41-uy.  
Gazeta ofset usulida, A-2 formatida bosildi. Hajmi — 4 bosma taboq.

Gazeta haftaning chorshanba kuni chiqadi. «O'zbekiston ovozi» materiallarini ko'chirib bosish faqat tahririyat ruxsati bilan amalga oshiriladi.

Navbatchi: Ravshan SHODIYEV

Sahifalovchi: Bekzod ABDUNAZAROV

Г — 341. 2256 nusxada bosildi.

Nashr ko'rsatkichi — 220.

t — Tijorat materiallari

ISSN 2010-7633



9 772010 763008

O'zA yakuni —  
Topshirilgan vaqti — 21:15.

1 2 3 4 5 6

Sotuvda kelishilgan narxda